



Accidente cu step a laga atras un fayecido na Paradera



Pagina 2

- **Prome minister demisionario ta reacciona riba investigacion pa corrupcion riba islanan Caribense den Reino** Pagina 2
- **A logra captura caiman cu a aparece den lama na Boneiro** Pagina 6
- **Un chatbot a pusha un hoben pa mata su mes segun demanda** Pagina 16

Marlon Croes ta haya instruccion
di Gobernador pa contesta
pregunta riba investigacion di
Secret's Hotel Aruba



Pagina 3

UNICEF ta haci donacion di casi
1,500 kg di material mediaco pa
esnan afecta pa horcan Oscar



Pagina 11



Kamala Harris y Michelle Obama ta uni
forsa pa adverti tocante e peliger di eligi
Trump

Pagina 24

Accidente cu step a laga atras un fayecido na Paradera

Cuerpo Policial di Aruba mediante un comunicado di prensa a informa cu Aruba a conoce su di 9 morto den trafico caminda ayera diadomingo den oranan di marduga, un muhe di 35 aña di nacionalidad Colombiano lamentablemente a fayece den un accidente di trafico.

E informacion ta cu diadomingo madruga pa 01:10, Central di Polis a haya notificacion di un accidente na altura di Shiribana Bar & Restaurant na Paradera. E prome informacion ta cu un auto lo a alcanza un señora riba un e-bike (step).

Central a despacha un patrulla cu maximo urgencia y na yegada di e patrulla a bin topa cu un señora ariba caminda cu no tabata duna señal di bida. Patrulla a pidi ambulans cu maximo urgencia y ora ambulans cu e personal a yega, nan a haci nan maximo esfuerso pero lamentablemente no por a haci nada mas pa e señora.

Docter Valkuil, ken ta fungi



como Dr. Forensico, a presenta na e sitio y a constata morto di e señora Julieth Patricia Patiño Castro, naci 15 november 1988 (35 aña) na Colombia.

Departamento di trafico a presenta pa haci nan investigacion.

Cuerpo di Polis a haci un apelacion na e chauffeur di e auto cu a alcanza e señora pa entrega su mes na un di e warda di polis of tuna contacto cu central di polis na

number 100.

Departamento di Slachtofferhulp a presenta na e sitio pa asina duna sosten na famia di e fayecido.

Regulacion cu te ainda no a tuma luga

No ta un secreto cu na Aruba uso di vehiculonan electronico ta bin aumentando cu e paso di añanan. Bon Dia Aruba a trece dilanti den varios edicion e tema di e vehiculonan aki conhuntamente cu Vereniging Rijschool Aruba

(VRA), kendenan tabata papia den prensa riba cierto puntonan cu nan tabatin den combersacion pa por cambia den ley di trafico. Relaciona cu esaki nan a puntra autoridadnan concerni: kico ta wardando pa regula esaki, ora tin un accidente cu morto? E cual ya caba a tuma luga.

Nan a recomenda cu pa step electrico usuarionan mester tin un seguro pa haci uso di esaki den e caso si un accidente lo sucede.

Anteriormente step tabata usa pa muchanan pero awor danki na tecnologia por mira cu adultonan ta haci uso di nan door cu nan ta electrico y nan por core distancianan un tiki mas largo na un velocidad di 30 kilometer pa ora, pero na momento cu a cuminsa traha esaki mester cuminsa regula e ley y un di e luganan cu a haci esaki ta Hulanda, por ehemplo.

VRA a sigura cu aya nan a cuminsa coloca fietspad unda mester core te tanto kilometer pa ora y na Aruba ta existi e bebouwde kom cu ta maximo 50 kilometer pa ora, pero si ta sali for di e bebouwde kom e ta 80 kilometer pa ora, e ora ey no por laga un aparato ey bay core na Hulanda, nan ta pa core riba un caminda cu ta 50 kilometer pa ora pero den bebouwde kom so. Tambe tin cu mar'e na un hende cu tin 16 aña pa e sa ley di trafico, tambe mester saca un permiso cu ta indica cu e persona aki a pasa un test, e tin cu bisti un helm y e aparato mester tin un plachi number chikito cu ta indica cu mester paga impuesto.

Prome minister demisionario ta reacciona riba anuncio di Secretario di Estado tocante investigacion pa corrupcion den islanan Caribense den Reino

Manera ta conoci recientemente Secretario di Estado di Relacionnan den Reino y Digitalisacion Zsolt Szabó a anuncia cu ta bay aborda e tema di corrupcion den e parti Caribense den Reino. Reaccionando riba e anuncio aki prome minister demisionario Evelyn Wever-Croes a indica cu Aruba tin ley y regulacion contra corrupcion cu no tur pais den Reino tin.

Secretario di Estado Szabó a indica recientemente cu el a pidi e organizacion Transparencia Internacional pa investiga corrupcion y otro violacionnan di integridad entre administrador- y politiconan riba e islanan Caribense cu ta parti di Reino Hulandes.

Den su reaccion riba e anuncio di Secretario di Estado Szabó, prome minister demisionario a indica cu corrupcion ta un realidad na Aruba, manera cu ta e caso mundialmente. El a resalta cu loke ta importante ta cu nan ta tuma e combatimento di corrupcion serio na Aruba, haci investigacion y reporta esaki, sin importa ken ta envolvi.



acion y reporta esaki, sin importa ken ta envolvi.

El a menciona cu na aña 2022 Aruba a publica un estudio haci pa e National Integrity System (NIS), cu a haci un 'nulmeting' riba e tereno aki. El a splica cu e NIS aki a wordo crea y ta wordo promovi door di NGO internacional, Transparency International como parti di un solucion holistico y integral

pa bringa corrupcion. A base di e recomendacionnan di e NIS, minister Ursell Arends ken ta encarga cu e cartera di integridad a traha un plan di implementacion, cu a wordo aproba pa Ministerraad, y cu ta den pleno ehecucion.

A pesar di esfuersonan, corrupcion toch a bati na porta di e Gabinete. E anuncio di e Secretario di Estado ta bin hustamente despues cu Gabi-

nete Wever-Croes II a haya su mes envolvi den dos caso na unda dos minister di partido MEP a ser retira den e un siman di tempo.

E prome caso ta trata e caso envolvimento di ex minister di Labor, Energia y Integracion, Glenbert Croes, ken a keda deteni y declara sospechoso den caso Portulaca. E caso tin di haber cu investigacion di posibel delitonan

di corrupcion y otro hechonan relacion cu otorgamento di permisonan di estadia entre 2020 y 2022.

E ex minister di Labor, Energia y Integracion ta ser acusa di soborno y abuso di poder. Pa motibo di e investigacion aki Glenbert Croes a entrega su retiro como minister y consecuentemente a bandona lista di partido MEP y no lo ta participando den e siguiente eleccion parlamentario cu lo tuma luga dia 6 di december.

E siguiente caso ta trata e caso di ex minister di Enseñansa y Deporte, Endy Croes, cu a ser retira despues cu Parlamento di Aruba a pasa un mocion di desconfiansa contra e ex mandatario.

E retiro di Croes a bin como consecuencia di iregularidadnan cu tabata tuma luga den Stichting Sporsubsidie Aruba (SSA). Parlamento a indica cu no tabata di acuerdo cu e forma con e mandatario a atende cu e problema di fraude den e fundacion y consecuentemente a perde confiansa den e minister.

Gobernador di Aruba ta duna Marlon Croes instruccion pa contesta pregunta riba un investigacion di Secret's Hotel Aruba pero no kier contesta *Parti 1*

Den december 2023, Bon Dia Aruba a cuminsa oficialmente un investigacion periodistico riba especificamente con e proceso di e bouwaanvraag numera 0994-2019, entrega dia 14 di november 2019, di Secret's Hotel Aruba a bay, riba stempelnan di mapa di DOW y tambe departamento di Departementen voor Dienst Landmeetkunde en Vastgoedregistratie (DLV) cu ta zorg pa e midimento di tereno na unda tambe departamento di Brandweer Aruba ta den dje y cu mester keur e hotel.

Bon Dia Aruba su investigacion periodistico ta pa haya contesta si den caso aki, "leugen in de rechtszaal" den e proceso di bestuurrecht a tuma luga, especificamente den e caso di Secret's.

Hechonan

Dia 6 december di aña 2023 tabatin un caso den corte di Secret's Hotel Aruba unda cu den corte di Prome Instancia e ciudadanonan di Sero Colorado tabata sigui cu nan protesta contra Secret's Hotel.

Bon Dia Aruba bay corte e dia ey pa asina wak ki mapanan ta bay ser usa den corte, no solamente pa e mapanan pero e stempelnan di "DOW" cu ta riba e mapanan ey.

Bon Dia Aruba tabatin e mapa AR_ARQ-MP-03 hopi prome cu e proceso hudicial, pero dia 6 december 2023 mester a warda pa un banda hinca e mapa specifico aki den e proceso hudicial pa e no por ser cambia mas.

E mapa cu Sr. Rosenstand, ken ta architect di Secret's Hotel Aruba, a muestra den



corte cu e number AR_ARQ-MP-03 dia 6 di december 2023 tin stempel di 14-nov-2019 y ta mara na BA 0994-2019 cu a sali for di un saco blauw di Super Food.

E mesun mapa numera AR_ARQ-MP-03 cu DOW semper tabatin den su poder, tin stempel di BA 0853-2019 cu ta di un otro bouwaanvraag cu fecha 11 di maart 2020 entrega, anto pa colmo prome biaha e mapa aki a ser pinta 19 december 2019, cual ta 1 luna despues di e bouwaanvraag numera 0994-2019 y

cu a ser entrega dia 14 di november 2019.

Bon Dia Aruba a acerca Sr. Marlon Croes director di DOW

Dia 20 di december 2023 Bon Dia Aruba a acerca Sr. Croes director di DOW pa haci preguntanan specifico y asina por stel vast oficialmente cu e mapanan cu a ser usa den corte a sali for di un saco blauw di Super Food. E pregunta tabata si e mapanan di e saco aki tabata di DOW mes of di e architect di Se-

cret's Hotel Aruba Sr. Rosenstand. Den esaki, Sr. Croes a confirma cu e mapanan usa den corte y cu a sali for di e saco blauw di Super Food ta di Architect di Secret's Hotel Aruba Sr. Rosenstand.

E preguntanan specifico cu a ser haci na Sr. Croes ta si e como director di e departamento aki—prome cu lo retira na december awor—ta para tras di e mapa numera AR_ARQ-MP-03 cu Sr. Rosenstand a muestra den corte cu stempel di 14-nov-2019 y mara na BA 0994-2019, cual a resulta ta otro mapa diferente cu esun di DOW y a ser pinta na december 2019, cu ta un luna despues cu BA 0994-2019 a ser entrega dia 14 di november 2019.

E otro pregunta ta si Bon Dia Aruba comparti cu su persona pruebanan di posibel hechonan castigabel cu tin di haber cu DOW, Sr. Croes lo bay Ministerio Publico? Pa e dos pregunta aki, Sr. Croes no ta duna contesta.

Carta di Bon Dia Aruba dirigi na su Excelencia Sr. Gobernador

Bon Dia Aruba a manda un carta na su Excelencia Sr. Gobernador Alfonso Boekhoudt pa Bon Dia Aruba por haya un contesta oficial riba papel si director di Dow Sr. Croes ta sostene e mapa di Sr. Rosenstand.

Sr. Marlon solamente mester contesta si of no, pero e mester ta riba papel pa Bon Dia Aruba tin su version si ta sostene mapanan cu stempelnan di Sr. Rosenstand of e mapanan mes di DOW.

Despues di e carta, su Excelencia Sr. Gobernador a

manda un instruccion na prome minister Evelyn Wever-Croes pa instrui Sr. Marlon Croes duna un contesta oficial na Bon Dia Aruba.

Bon Dia Aruba tambe tin den su poder 2 decreto ministerial cu tin Sr. Rosenstand su nomber riba nan como e persona cu a haci e peticion pa ontheffing, cual ta muestra cu esaki ta firma pa ex-minister Otmar Oduber cu ta mara na un tekening di DLV y ta hinca den un acto notarial, pero e documento fisico cu ta gestempeld hunto cu decreto ministerial ta totalmente diferente y riba dje tin un tereno cu no tabata existi, hasta meetbrieven nan meternan riba e documento aki no ta klop cu esun di Kadaster.

Bon Dia Aruba lo duna Sr. Rosenstand y ex-minister Otmar Oduber nan derecho di replica tocante e 2 decreto ministerial aki cu tin su firma riba dje, pa asina scucha nan banda di medaya y si nan lo sostene e documentonan aki, e lo distancia di nan of por duna un splicacion.

Reaccion di prome minister Evelyn Wever-Croes

Den investigacion aki, Bon Dia Aruba tambe a tuma contacto cu prome minister, pa asina verifica e documentonan aki—si nan ta falso of no. Prome minister a contesta cu "Esey ta un acusacion hopi serio y segun mi Bon Dia Aruba mester ta na Ministerio Publico cu esey. Ami no ta atende ningun caso individual. E departamentonan ta encarga. Mi a instrui nan caba pa duna bo splicacion y un contesta. Mi a tuma e paso pa depolitisa e procesonan hustamente pa mi integridad no wordo atacha."

Obligacion di keho penal pa funcionarionan publico (Aangifteplicht voor ambtenaren)

Tur funcionario publico of minister tin e obligacion di entrega un keho penal si e ta draag kennis di un hecho castigabel hancra den (articulo 200 di e codigo di Procedura Penal di Aruba). Investigacion riba irregularidadnan den e proceso di construccion di Hotel Secret's ta sigui tuma luga caminda Bon Dia Aruba ta bay publica e di dos parti di e articulo aki den un proximo edicion.



Secretario di Estado ta contesta pregunta na Tweede Kamer tocante violacionnan di derechonan humano di refugiadonan Venezolano na Aruba



Dia 22 di oktober ultimo Secretario di Estado pa Relacionnan den Reino y Digitalisacion, Zsolt Szabó, a contesta preguntanan di Miembro White (GroenLinks-PvdA) tocante violacionnan di derechonan humano di refugiadonan Venezolano na Aruba. E preguntanan a bin despues di e publicacion di un rapport di Amnistia Internacional titula 'Aruba: Rules but No Protection – unveiling gaps in refugee protection of Venezuelans in Aruba'.

Primeramente e Secretario di Estado a enfatisa cu e politica di asilo, recepcion y regreso, djis como derechonan humano, ta principalmente un responsabilidad di e paisnan autonomo dentro di Reino. Na mesun momento el a subraya cu tanto e minister di Asilo y Migracion y su persona ta sigui cooperacion cu e paisnan Caribeense caminda ta trata politica di migracion mas optimalisacion den liña cu normanan internacional.

Miembro di Tweede Kamera a puntra Secretario di Estado Szabó si e por refleha riba e posicion di Amnistia riba e principio di no-devolucion ta ser viola na Aruba, si e ta di acuerdo cu e declaracion aki y ki accionnan e lo tuma.

Secretario di Estado Szabó a splica cu tanto e politica di asilo, recepcion y regreso, como politica di derechonan humano, ta bin na prome

luga di e autoridad responsable di e paisnan autonomo dentro di Reino. El a remarca pues cu ta responsabilidad di Aruba pa percura pa principio no-devolucion no ser viola.

Miembro White di GroenLinks-PvdA a puntra e Secretario di Estado tambe si e por reflexiona riba e ponencia di e Amnistia Internacional cu Hulanda a aporta na violacion di e principio di no-devolucion na Aruba, si ta berdad cu Hulanda a brinda sosten financiero na Aruba pa vuelonan di deportacion pa Venezolanonan y si ta berdad cu e ayudo cu Hulanda a duna Aruba tabata dirigi principalmente riba: persecucion di Venezolanonan, nan detencion y deportacion.

Den su contesta e Secretario di Estado a splica cu a base di articulo 36 di Statuut e paisnan dentro di Reino por brinda otro ayudo si ta desea. Na 2019, Aruba a pidi asistencia na Hulanda pa optimalisacion y profesionalisacion di varios parti di e cadena di inmigracion.

El a sigui splica cu e obhetivo principal di e asistencia cu IND ta duna y e ministerio di Husticia y Seguridad di e tempo ey tabata trece e procedura di asilo y/of proteccion existente cu tratadonan internacional y a sirbi pa profesionalisa y optimalisa e proceso di tumamento di decision.

Secretario di Estado a agrega

cu e gabinete Hulandes a responde na esaki pa motibo di e retonan grandi pa Aruba pa inverti den proyectonan den areanan relaciona. El a menciona como ehempel di e proyectonan aki campañanan di conscientisacion riba tereno di traficacion di hende y e Realisacion di un refugio pa hende homber y hende muhe pa victimanan Venezolano di violencia domestico y traficacion y contrabando di hende.

Ademas, el a resalta, den preparacion pa e escenario di un crisis na gran escala y un facilidad di emergencia a ser poni disponibel y sosten financiero a ser brinda na Warda Nos Costa Caribe. E recursonan financiero ta disponibel riba peticion di Aruba pa un fondo pa promove repatriacion di personanan cu no tin derecho mas riba residencia y no tin proceduranan continuo pa esaki.

El a sigui splica cu durante e proceso aki tambe a enfatisa pa sigui e principio di no-devolucion pa no deporta hende si nan ta core riesgo real di violacion di derechonan humano.

Secretario di Estado Szabó a enfatisa cu e no ta reconoce e declaracion cu e asistencia Hulandes tabata dirigi riba persecucion di Venezolanonan, nan detencion y deportacion y cu Hulanda a contribui na e violacion di e principio di no-devolucion na Aruba.

El a subraya cu persecucion, detencion y deportacion di Venezolanonan activamente no tabata y no ta forma parti di e ayudo brinda door di Hulanda. El a resalta cu pa medio di e asistencia brinda, e cadena di inmigracion na Aruba a ser mas alinea cu norma- y proceduranan internacional aplicabel.

Ariba e contesta pa loke ta trata ayudo di parti di Hulanda, e Secretario di Estado a splica cu desde 2019, gabinete Hulandes a brinda sosten financiero y tecnico pa purba di sostene Aruba den optimalisacion di e cadena di inmigracion. E asistencia brinda ta haci e cadena di inmigracion di Aruba mas alinea cu norma- y proceduranan internacional aplicabel.

El a indica cu e ta considera importante cu norma- y proceduranan ta ser implementa na un manera cuidadoso y cu ta cumpli cu normanan internacional y obligacionnan di tratado. El a subraya cu brindando sosten pa esaki no ta nifica cu Hulanda ta parcialmente responsabel pa e cadena di inmigracion Arubano. El a enfatisa cu esaki ta keda un asunto nacional.

Pa loke ta trata Warda Costa, el a indica cu dentro di e prioridadnan di e Plan di Politica Hudicial, lo ehecuta tareanan di supervision y servicio na nomber di e paisnan.

Pa loke ta trata tareanan di

investigacion, el a resalta cu autoridad riba Warda Costa ta keda na abogadonan general di Aruba y di Corsou, Sint Maarten y BES. Warda Costa ta sigura cu derechonan humano ta ser respeta na tur momento y ta actua bou di e autoridad hudicial local.

El a reitera cu paisnan dentro di Reino por proporciona asistencia mutuamente. E efecto di sosten tecnico mutuo ta depende di e deseo- y necesidadnan mutuo. Esaki, el a señala, ta un punto cu e lo kier discuti cu Aruba.

Pa loke ta trata e tema di proteccion di Venezolanonan na Aruba, Secretario di Estado Szabó a indica cu Amnistia Internacional ta declara den terminonan absoluto cu no tin ningun forma di debido diligencia of monitoreo a tuma lugá y ta referi na un solo caso pa e comision di Derechonan Humano di Nacionnan Uni.

El a señala cu sin bay den e caso specifico, e supuesto problemanan manera Amnistia Internacional ta indica, particularmente cu e violacion di e principio di no-devolucion no mester tuma lugá.

El a subraya cu e gobierno Hulandes ta duna hopi importancia na evaluacion individual di personanan cu ta pidi proteccion di acuerdo cu regulacionnan internacional aplicabel y cumplimiento di obligacionnan di tratado internacional.

Secretario di Estado a enfatisa cu Aruba semper ta liber pa bolbe pidi ayudo di Hulanda. El a destaca cu e cuadro di derechonan humano existente lo ta lider den e sentido aki. E asistencia adicional lo ta basa riba aliniacion di e cadena di inmigracion di Aruba cu norma- y proceduranan internacional di derechonan humano aplicabel.

Por ultimo, el a resalta cu e recomendacionnan cu a sigui for di e evaluacion di e recursonan riba e presupuesto di BZK10 y e recomendacionnan for di e rapport di Amnistia Internacional lo ser inclui den cualquier siguimto.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Partido Lucha pa Reforma a presenta su candidatonan: “Nos politica ta diferente”

A traves di un conferencia di prensa publica riba su rednan social, e lider di partido politico Lucha pa Reforma, Rycond Santos do Nascimento, a presenta e candidatonan cu ta bay participa den eleccion dia 6 di december proximo y tambe a trece dilanti otro puntonan di agenda.

Santos do Nascimento a splica cu ora el a drenta den politica, su deseo tabata pa eleva e nivel di politica na Aruba, trece un perspectiva di largo plaso, kibra lo cual ta e tradicionnan robes politico cu tin na Aruba, y a afirma cu “tin hopi trabou pa haci.”

Den e cuadro aki, e partido nobo aki yama Lucha pa Reforma a haya 7 candidato “cu ta kere den e norma y balor tradicional. No tin ni un hende akinan cu no ta kere den norma y balor tradicional y esey ta algo cu nos ta vocifera repetidamente. Esey ta nifica entre otro, cu nos ta kere den respet pa otro, den dignidad di cada ser humano y tambe e ta pone cu nos tin un postura cu nos lucha pa integridad. Nos ta para contra corrupcion y cos cu ta bin a forma un plaga den politica di Aruba,” Santos do Nascimento a sigura.

Nan conviccion ta cu si nan kier un pais prospero, e promecos cu nan tin cu haci “ta cu nos mester percura pa nos cas ta na ordo. P’esey nos a cuminsa cu principionan, cu normanan y balornan. Nos politica ta diferente.”

Den cuadro aki el a presenta su candidatonan, incluyendo Francis Malca, caminda pa hopi biaha Santos do Nascimento ta bin papia tocante falta di maneho pa desperdicio: “E prome persona cu a pone e topico aki riba radar pa mi personalmente ta Malca. Mi ta hopi orguyoso cu un hoben hurista a tuma e paso, a tuma e curashi pa para pa nos pais na e momento aki.”

Tambe a presenta Rene Wild, ken ta un personal trainer pero tambe ta un nutricionista. “Un persona hopi stima den nos comunidad y mi ta kere cu no tin un persona cu realmente ta conoce Rene cu ta bay nenga cu Rene tin un pasion pa un healthy lifestyle akinan na Aruba. Nos mester tin un perspectiva a largo plaso tambe pa lo cual ta nos salud.”

Dionne Jie Sam Foek tin un background den turismo y hospitalidad pero Santos do Nascimento a indica

cu su pasion ta den area di comunicacion: “Nos a wak hopi biaha cu gobierno ta faya na momento di comunica na tempo y m’a bay back riba e cuestion di falta di maneho di desperdicio, y nos a wak un forma con e dump a wordo cera y ora bo ta core rond Aruba bo ta wak cuanto desperdicio di sushi tin tur caminda. E falta di comunicacion y esaki ta su area di experticio y ta su pasion.” Vivian Lacle ta un di su candidatonan cu Santos do Nascimento a describi como un persona cu semper tabatin pasion pa hubentud: “Te awe e ta traha den enseñansa, e ta docente na EPB y mi ta sumamente contento cu nos tin docente tambe den nos team pasobra enseñansa tambe ta importante y ta e solucion berdadero pa lo cual ta pobreza. Lo demas, tur ta solucion na corto plaso. Pero si nos kier prosperidad den e pais aki, nos mester inverti den enseñansa y inverti den educacion pa hende grandi pero tambe den enseñansa pa nos muchanan y garantisa cu ora nos lanta grandi no mester depende di un salario minimo, pero nan por expect 3 of 4 biaha un salario minimo y mi deseo personal ta pa nos hobennan tambe tin un deseo pa ta empresario, comerciante, pa

asina por produci miyonario local den e pais aki.”

Yulieth Roos ta un persona naci na Colombia cu a naturalisa y ta un amiga di Santos do Nascimento, cual a señala cu nan amistad cu famia Latino semper tabata grandi y cu varios di nan tin lasonan cu comunidad Latino, “y mi ta kere cu nos mester pone e dignidad di cada persona riba un bienestar akinan den e pais aki.”

Tambe, a presenta hurista Michael Lopez como un otro candidato. Santos do Nascimento a trece dilanti cu su candidatonan tin experiencia riba diferente area: “Mi ta super contento cu esaki ta mi team, un team cu ta kere den un vision di largo plaso, un team cu ta kere no den un politica di kibra y destrui pero, un politica di educa, informa y esey ta lo cual nos ta bin ta haciendo,” el a bisa.

Den cuadro aki tambe el a anuncia cu e siman aki e lo manda un copia di e programa di partido pa tur prensa y nan ta bay anuncia esaki den nan plataformanan social, afirma cu e programa “tin como base e tradicionnan cu mester ta e fundeshi di nos prosperidad pa mañan.”




Indice di Prijs di Consumo cu base Juni 2019 pa luna di September

Bestaansminimum, cambio di prijs di petroleo, utilidad, gasolin y diesel, Cuminda y servicio di catering

Oficina Central di Estadistica ta presenta e resultadonan di e Bestaansminimum, cambio di prijs di petroleo, utilidad, gasolin y diesel, como tambe Cuminda y servicio di catering pa september 2024.

Bestaansminimum na September 2024

E bestaansminimum ta e nivel minimo di entrada cual ta wordo percibi cu ta necesario pa logra mantene un nivel di bida adecuado den un cierto pais. Usualmente e bestaansminimum ta wordo determina door di calcula e gasto di tur e recursonan esencial cu un adulto ta consumi den un luna of aña. Generalmente esaki ta wordo yama un indice basico di necesidad, y e ta varia segun e prijs di cuminda, paña, vivienda, transporte y otro articulon den e “canasta”. Escalanan di ekivalencia ta wordo usa pa ahusta e nivel minimo di entrada percibi pa hogarnan di diferente tamaño y composicion. E escala ta asigna un peso di 1.0 pa e prome adulto y 0.5 pa cada adulto adicional den e hogar (edad 16+) y un peso di 0.3 pa cada mucha (edad 0-15 aña). E bestaansminimum ta basa riba cifranan di e rapport “Bestaansminimum 2010” y ta wordo actualisa mensualmente



pa cu inflacion usando e CPI mensual. E unidad di referencia den e rapport aki ta di un hogar cu ta consisti di dos (2) adulto y dos (2) mucha (edad 0-15 aña).

Na September 2024 e bestaansminimum mensual pa un hogar cu ta consisti di dos (2) adulto y dos (2) mucha (edad 0-15 aña) (Afl. 5,526) ta muestra un subida di Afl. 98 compara cu September 2023 (Afl. 5,428) y a wordo causa principalmente door di subidanan di Afl. 56 y Afl. 14 den e sectornan di “Cuminda y bebida no-alcoholico” y “Paña y sapato”.

Cambio di prijs di petroleo, utilidad, gasolin y diesel na September 2024
Prijs di utilidad (electricidad y awa), gasolin y diesel ta wordo

determina primordialmente door di e prijs internacional di petroleo. Na September 2024 e prijs promedio pa bari di petroleo (US\$ 70.30) a conoce un caida di US\$ 6.49 (-8.5%) compara cu Augustus 2024 (US\$ 76.79).

Prijs di electricidad y di awa no a cambia compara cu Augustus 2024. Consecuentemente, e prijs promedio di electricidad pa vivienda a keda Afl. 274.57, mientras cu e prijs promedio di awa pa vivienda a keda Afl. 168.73.

Prijs di gasolin a registra un caida di Afl. 6.40 cent (-2.5%) na September 2024 y a causa un efecto di -0.12 ppt riba e CPI. Prijs di diesel a registra un caida di Afl. 10.50 cent (-4.8%) na September 2024 y a causa un

efecto di -0.02 ppt riba e CPI.

Na September 2024, utilidad, gasolin y diesel como grupo, tawata tin un caida di prijs di 0.8% compara cu Augustus 2024 y hunto tawata tin un influencia di -0.14 ppt riba e CPI, mientras cu e restante 404 bienes y servicio hunto, a conoce un caida di prijs di 0.3% y tawata tin efecto un efecto di -0.26 ppt riba e CPI.

Cambio di prijs di Cuminda y servicio di catering na September 2024


E indice di “Cuminda & servicio di catering” a registra un subida di 0.3% na September 2024, despues di a registra un subida di 0.1% na Augustus 2024. E indice di “Cuminda na cas” (0.4%) a registra un subida, unda shete (7) di e diesun (11) indicenan di e gruponan di cuminda na cas a subi na September 2024. E indice di “Lechi, keshi y webo” a conoce e subida di mas grandi (2.9%)

na September 2024. Otro subidanan significante a wordo registra den e indicenan di “Fruta” (2.1%), “Azeta y otro productonan traha di vet” (1.3%) y “Pan y otro productonan di grano” (0.4%).

E caida mas grandi a wordo registra den e indice di “Berdura” (-3.1%) na September 2024.

E indice di “Cuminda pafo di cas” a registra un subida di 0.1% na September 2024. Na September 2024, “Cuminda na cas” y “Cuminda pafo di cas” como grupo, tawata tin un subida di prijs di 0.3% compara cu Augustus 2024 y hunto tawata tin un influencia di 0.05 ppt riba e CPI, mientras cu e restante bienes y servicio hunto a experencia un caida di prijs di 0.5% y tawata tin un efecto di -0.45 ppt riba e CPI.

A logra captura caiman cu a aparece den lama na Boneiro



Despues di algun tempo cu Bonaire tabata den alerta pa un caiman den lama, diasabra marduga a logra captura e bestia. E animal a ser mira pa prome biaha dia 8 di oktober y desde e dia ey el a ser mira cuater biaha mas, causando preocupacion y curiosidad bou di residente y activistanan.

Aunke a logra captura e caiman, ainda tin varios preguntan. Un di e preguntanan cu ta sin contesta ta ki tip di caiman esaki ta. Despues di su captura ainda expertonan no a logra identifica si ta trata di un caiman Mericano of Orinoco. Ta parce cu e animal ta un poco mas grandi cu dos meter. Segun informacion e caiman a ser hiba na un luga

secreto. No ta conoci kico ta bay pasa awo cu a logra captura e bestia. Un punto importante ta cu Boneiro no tin un parke di bestia y mantene e bestia na e isla lo costa hopi placa. Ta considerando si un regreso pa Venezuela, for di unda posiblemente e caiman a bin, ta factibel teniendo na cuenta e relacion cu e pais aki.

Un alternativa cu algun medio ta menciona ta un parke di bestia den e area. The Curaçao Zoo & Botanical Garden tin experencia cu caiman y caiman, pero no tin ningun informacion di esaki ta canando su caminda of no.

Aki na Aruba tampoco no tin un facilidad pa cuida e tipo di bestia aki.



“Pa forma profesionalismo y personalidad”

Colegio Educacion Profesional Intermedio is voor unit Hospitalidad & Turismo (H&T) met spoed op zoek naar een **gastdocent** voor het schooljaar 2024-2025 en roept sollicitanten op voor de volgende vacature:

Instructeur Baking Lab - instructietaal Engels

Optie 20 lesuur (4x5 lesuur per week/ 1 vacature) of
Optie 5 lesuur (1x5 lesuur per week/ 4 vacatures)
Dit betreft een vacature door ziekte voor de periode van 7 weken

Er wordt gezocht naar een enthousiaste teamplayer met liefde voor het vak en voor het onderwijs, die als inspiratie en als voorbeeld voor de nieuwe generatie kan dienen.

Vereisten:

- HBO Consumptieve technieken of gelijkwaardige opleiding;
- Beheersing van de instructietaal;
- Vijf jaar praktijkervaring in het bedrijfsleven als bakker is een pré;
- Studentgerichtheid (de student staat op de eerste plaats).

Profiel:

- Een professionele houding en plichtsgetrouw;
- Goede didactische kwaliteiten en communicatieve eigenschappen;
- Flexibel met betrekking tot innovatieve processen binnen het beroepsonderwijs;
- Kennis van computervaardigheden.

Bezoldiging:

Conform het Landsbesluit bezoldiging onderwijspersoneel.

Informatie:

Voor verdere informatie m.b.t. bovenstaande vacature kunt u zich richten tot: afdeling HR van Colegio EPI, via e-mail hr@epiaruba.com of via tel. + (297) 5258726/746.

Interesse:

Uw schriftelijke sollicitatie, vergezeld van een curriculum vitae en kopieën van diploma's, kunt u binnen 1 week na het verschijnen van deze advertentie, richten aan: mevrouw Angelique Danker, Algemeen directeur, Colegio EPI, Venusstraat #3, per e-mail hr@epiaruba.com.

Hulanda: cantidad di hende reporta malo a aumenta pa 67% den september



(NLTimes)—E cantidad di reportahenan di hende malo a aumenta skerpi na comienso di e temporada di otoño, mayormente debi na mas sintomanan parecido keintura.

Segun e servicionan di seguridad y salud ocupacional, ArboNed y HumanCapital-Care, e cantidad di hende cu a reporta malo a aumenta pa 67 por ciento luna pasa compara cu den augustus. Cuido medico y educacion, en particular, ta balornan atipico, segun e servicionan.

Dircetor di Asuntonan Medico na ArboNed, Redmer van Wijngaarden, a reporta cu tabatin un averahe di 60 reportahe di hende malo pa cada empleado den september compara cu 36 reportahe

den augustus. “Asina hopi empleado malo na mesun momento ta causa retonan grandi den e peso laboral.” E averahe di ausencia a subi pa 4.6 por ciento, cual ta un tiki mas halto compara cu un año pasa.

E aumento den sintomanan parecido keintura ta presenta mayormente den sectornan unda hende por infecta otro mas lihe, segun e servicio ocupacional. Van Wijngaarden a conseha empleadonan pa tuma cuenta di nan higiena basico, por ehemplo por medio di laba man mas frecuente.

Empleadonan cu sintomanan di gripe mas severo mester traha for di cas lo mas frecuente posible, y ta bon pa ventila cambenan mas frecuente tambe, el a agrega.

Variante nobo di e malesa Lenga Blauw ta sigui plama na Hulanda

(NLTimes)—E variante nobo di e virus Lenga Blauw awo ta presente den otro sitionan na Hulanda. Mayoría infeccion a tuma luga den e provincia di Utrecht, pero e awor e virus tambe ta presente den e parti norte di Amsterdam, Na Flevoland, y den e region di het Achterhoek. Minister Fenneke Wiersma (Agricultura) a skirbi esaki den un carta pa Tweede Kamer.

Den Europa, e variante aki ta solamente presente na Hulanda. No ta conoci con e virus aki a yega den e pais. Wiersma kier pa tin mas inves-

tigacion riba esaki. E virus aki tin similaridadnan cu e tipo cu ta circulando actualmente na Israel, pero ainda ta trepan pa bisa cu ciertumbre cu esaki ta origina for di eynan tambe, segun e minister.

Awor tin un vacuna contra e variante regular circulando den Hulanda. Ainda no tin pa e variante nobo. No ta conoci ainda si e virus aki ta mas patogenico. En general, e virus di Lenga Blauw no ta causa daño pa humano. E malesa ta ser transmiti via muscanan chikito. Pa bestianan di cria, manera carne y baca, e malesa aki por ta fatal.

Merca: Test ta descarta balchi di carni como fuente di e brote di E. coli, segun McDonald's

(AP)—Test a descarta cu balchinan di carni ta e fuente di e brote di venenamiento di E. coli conecta cu e Quarter Pounders di McDonald's, e compania a bisa ayera. E lo resumi cu e benta di e Quarter Pounder e siman binidero.

E U.S. Food and Drug Administration (FDA) ta sigui kere cu e siboyonan corta for di un suministrador unico ta mas probable e fuente di contaminacion, McDonald's a bisa.

Desde diabierna, e brote a expande pa al menos 75 hende malo den 13 estado, segun oficialnan federal a bisa. Un total di 22 hende a ser hospitalisa, y dos a desaroya complicacionnan serio di malesa di riñon, segun e centro di control y prevencion di male-

sa (CDC) a bisa. Un persona a fayece na Colorado.

Informacion mas trepan analisa pa e FDA a muestra cu e siboyonan no cushina usa den e hamburgernan “ta mas probablemente e fuente di contaminacion,” e agencia a bisa. McDonald's a confirma cu Taylor Farms, un compania di producto basa na California, tabata e suministrador di e siboyonan fresco usa den e restaurantnan involvi den e brote, y cu nan a bin for di un facilidad na Colorado Springs, Colorado.

E 900 restaurantnan di McDonald's cu normalmente ta ricibi siboyo corta for di e facilidad di Taylor Farms ta Colorado Springs lo continua cu e benta di nan Quarter Pounders sin siboyo corta, segun e cadena di restaurant



a bisa.

Taylor Farms a bisa diabierna cu el a haci un yamado pa debolbe siboyo geel suministra na su clientenan for di su facilidad na Colorado y ta sigui traha cu CDC y FDA mientras nan ta investiga. E brote ta envolve infeccionnan ci E. coli 0157:H7, un tipo di bacteria cu ta produci un toxina peligroso. E ta causa aproximadamente 74,000 infeccion na Merca anualmente, resultando den mas cu 2,000 hospitalisacion y 61 morto pa año, segun CDC.

CAS DI CULTURA & FERDINAND FRANCA PRESENT

DOVOCI CAS DI CULTURA

GREASE
THE ROCK 'N' ROLL MUSICAL

Thursday December 12	7:00 PM	Cas di Cultura
Friday December 13	8:00 PM	Ticket Price AFL. 45
Saturday December 14	3:00 PM & 8:00 PM	Youth Ticket Price AFL. 30
		Only available at cas di cultura

Book, Music and Lyrics by Jim Jacobs and Warren Casey
Direction by Ferdinand Franca - Vocal Coaching by Nicole van Eer
Band Leader Jaderick Croes - Choreography by Kevin Gumbs

FONDS PODIUM KUNSTEN PERFORMING ARTS FUND NL

Rijksoverheid

CEDE ARUBA

CCG

Sixt

Arubabank

NEW INDIA ASSURANCE

Grant Thornton

R&S ROSTELI

BEKANKERTHEID

SUPER FOOD

Centenares di Sirio ta manifesta na Den Haag contra plannan di gobierno

(NLTimes)—Varios centenares di Sirio a reuni riba Lange Voorhout na Den Haag ayera atardi pa manifesta contra e plannan di gabinete Hulandes pa declara algun partinan di Siria safe. Segun e organizacion Free Syrians Netherlands, no ta safe mes na Siria tanten cu Bashar Assad ta den poder eynan. “Nos no ta buscadonan di rikesa,” nan a bisa. “Un regreso pa Siria ta nifica un regreso pa fierno.”

E manifestadornan a hisa bandera di e revolucion Sirio y a carga borchinan cu textonan manera “Tanten cu Assad ta goberna, no tin ningun Sirio cu por regreso” y “No ta safe cu un dictador encarga.”

Un di e organisadornan ta



bisa cu mayoria di e participantenan lo a prefera pa keda na Siria. “Nos no a bin pa tuma boso casnan. No tin ningun otro luga safe pa

bay. Ora Assad bay, hende lo regresa na nan mesun cas y famia.”

For di Lange Voorhout, e

grupo di manifestadornan a marcha pa e sitionan di Reagan and Gorbachev cerca di e stacion central di Den Haag. Nan a ser acompaña pa polis,

ken tabata presente den cantidadnan grandi den e centro di ciudad ayera atardi.

E gabinete kier manda buscadonan di asilo Sirio back si algun partinan di e pais, unda un guerra civil ta andante pa varios aña, ta prueba di ta safe. Actualmente ta e caso cu Sirionan cu a pidi pa asilo eynan no lo ser manda back a base di un reportahe oficial tocante Sirio for di augustus 2023. E Corte Europeo di Husticia na Luxembourg a dicidi na comienso di luna cu no por manda hende back si solamente algun parti di e pais di origen ta considera safe. E gabinete Schoof I ta mira e huicio aki diferente, e prome minister a bisa. E ta asumi cu e huicio no lo ta un obstaculo.



(NLTimes)—Durante e anochi di diasabra pa diadomingo, holoshinan na Hulanda a cambia for di 3or pa 2or di marduga. Esaki ta nifica cu tempo standard ta aplica atrobe. For di awor,

ta bira cla mas trempan mainta y por cende luz mas trempan anochi.

Tempo artificial den zomer a ser implementa na Hulanda desde 1977. Esaki a ser

Temporada di winter a cuminsa atrobe: Hulanda lo cambia holoshi pa un ora atras

introduci pasobra luz natural ta pas mas miho cu e temponan ora hende mester spierta. E idea ta cu esaki ta nifica cu mester menos luz anochi y por spaar coriente asina. Pero e cuestion di si esaki ta spaar placa en berdad, sinembargo, no ta claro.

Hulanda kier mantene e mesun tempo manera otro paisnan den bisindario pero kier pa e Comision Europeo duna miho argumentonan tocante e bentaha- y desbentahanan di

abolicion di tempo di vernao. Por ehempel, pa cambia tempo lo afecta e bioritmo di hende den manera negativo.

E fase di aclimatacion tambe ta involvi ahustamente di cierto rutinanan diario, manera ora di come y drumi. “Por ehempel, si bo yiu haya hamber 5:15 di atardi, no come inmediatamente. Ta miho pa warda un ora, Roselyne Rijsman di Centro Medico Haaglanden ta bisa.

Pero en general, e cambio di tempo aki ta un alivio, pasobra e transicion pa tempo di winter ta eigenlijk mas facil compara cu temporada di zomer, segun RTL Nieuws. Esaki ta pasobra e ritmo di mayoria hende ta un tiki mas largo cu 24 ora, pero ta “preta” den 24 ora por medio di habitonan di comemento, entre otro.

Temporada di winter ta dura seis luna, mientras cu zomer ta cuminsa den e ultimo weekend di maart.

IMF: Minister di Finanzas Hulandes ta haci yamado pa sancionnan contra regimennan autoritario

(NLTimes)—Como un economia habri, Hulanda ta contra limitenan comercial, pero no den tur caso. Minister di Finanzas Hulandes, Eelco Heinen, a argumenta na un reunion anual di e International Monetary Fund (IMF) cu mester haci un diferencia estricto entre debenan di importacion econometricamente motiva na un banda y sancionnan riba regimannan na e otro banda.

“E agresion Ruso na Ucrania ta inaceptable. Y e argumento ‘si, pero esey ta afecta nos relacion comercial’ no ta fit cune,” Heinen a bisa durante

un conferencia di prensa na Washington. Segun e, e situacion ey ta hustifica imponimento di sancion. “Mi tampoco no ta defende comercio liber cu Iran. Esey ta un regimen terrible. Mester bay en contra di dje cu sancionnan.”

E fragmentacion andante di e escenario mundial ta un asunto importante na IMF. Segun e fondo, esaki ta un mas acercamento pasobra pa impone tarifa di importacion, por ehempel, solamente ta core riesgo di keda pega den un proceso di accion y reaccion cu ningun hende no por sali for di dje.

Heinen ta bisa cu e ta di acuerdo cu e argumento ey, pero cu e ta e unico representante di un pais Europeo na un reunion pa haci un comentario importante. “Bo mester haci un distincion hopi cla entre politica di seguridad y politica economico. Loke ta menasa di pasa ta cu esakinan ta ser combina. Y loke mi ta defende, cu apoyo di e Mericano- y Canadesnan, ta pa nos sigui haci e distincion ey hopi cla.”

Ora ta trata di tecnologia for di companianan manera ASML, Heinen ta bisa cu tambe “no mester ta ingenuo.” “Tin diferente riesgo di



seguridad involvi. E Mericanonan ta subraya esaki tur ora. E ta bon, pero e chipnan ey tambe por ser usa militarmente.”

E eleccion presidencial na Merca lo tuma luga pronto. Donald Trump a anuncia cu e kier aumenta debenan di importacion riba productonan Chines. Heinen no kier comenta riba un posible resultado di eleccion. “Cualquier gobierno cu ta den pod-

er, nos lo sigui traha bon cu nos aliadonan Mericano.”

En general, e ta agrega cu historia ta muestra cu pa impone debenan di importacion no ta sabi. “E ora hende ta haya sa: warda, un parti di e producto riba cual mi por pone un tarifa por usa productonan semi-completa fabrica den mi pais. Pues indirectamente bo ta treciendo daño na bo mesun economia.”

Baby Frances secuestra y mayornan haya na Amsterdam, mayornan deteni

(nltimes.nl) - Baby Santiago cu a nace prematuramente y cu a ser secuestra for di e sala di parto di un hospital cerca di Paris na comienso di e siman aki, a ser haya hunto cu su mayornan den un hotel di Amsterdam diabierna, un vocero di polis a confirma despues di informenan di medionan Frances. Polis no por a duna mas detaye ainda tocante unda nan a ser haya of e circunstancianan.

Segun medionan Frances, nan a wordo haya den un hotel banda di Amsterdam. E mucha su estado di salud ta wordo describi como "bon", segun un fuente conoci cu e caso. A emiti un orden di aresto internacional pa e mayornan.

Santiago a nace prematuramente dia 6 di october y tabata den un hospital banda di Paris. Su mayornan, un



hombre di 23 aña y un muher di 25 aña, tur dos cu antecedente penal, a bay cune di aluna. Despues nan auto a ser haya banda di e ciudad Belga di Charleroi.

Diabierna, e mayornan di e baby Frances prematuro secuestra a ser deteni den

un hotel den centro di Amsterdam, polis a informa. "Despues di un orden di buskeda internacional, nos a aresta un hombre y un muher awe den un hotel den centro di Amsterdam bou di sospecho di secuestro di nan baby prematuro. E baby actualmente ta den un hospital

ricibiendo e cuido cu e mester," polis a bisa riba X.

Varios persona cerca di e mayornan a wordo deteni na Francia relaciona cu e secuestro. Nan a admiti di a "compaña e pareha y e mucha den nan huida pa Belgica" pa regresa Francia anochi,

e poder hudicial a bisa. Un dama ta ser acusa pa e autoridad hudicial di no a denuncia un crimen.

Ainda no ta cla dicon e mayornan a hiba nan yiu recién naci cu nan. Ministerio Público Frances ta sospecha cu nan por tabatin miedo cu nan lo perde e custodia di nan baby a consecuencia di nan condena. Polis a describi e accion como un secuestro, debi na cu e baby tabatin mester di ayudo medico y posiblemente tabata core peliger di morto.

Segun autoridadnan Frances, Santiago tabatin 17 dia ora el a ser secuestra y mester di cuido medico constante. E mayornan jong aparentemente a sconde Santiago den nan tas mientras e tabata den hospital y a bay cune pafo. Un enfermero a tuma nota di desaparicion di e mucha un rato despues y a avisa polis, segun NU.nl.

Prome minister ta reconoce riesgo di collapse di Gabinete, pero ningun hende a menasa esaki

(nltimes.nl) - E existencia continuo di gobierno tabata den wega pa motibo di e problemanan cu e ley di emergencia di asilo, prome minister Dick Schoof a reconoce den e programa di radio Met het Oog op Morgen. Segun e, ningun hende no a menasa un crisis gubernamental, ni sikiera lider di PVV Geert Wilders, ken inicialmente a sigui tene su mes na e ley di emergencia. "Pero nos a bisa otro cu si nos no sali for di esaki, e por conduci facilmente na caida di gobierno," Schoof a bisa.

E lidernan di e cuater partidonan di coalicion a yega na un acuerdo diahuebs anochi pa retira e ley di emergencia y haci mas estricto e medidanan di asilo. Schoof prome a papia diferente biaha cu e partidonan contrario PVV y NSC, y diaranson atardi a yama partnernan di coalicion VVD y BBB. Diahuebs nan a yega na un acuerdo despues di un consulta di casi nueve ora. E ora ey Gabinete Schoof I a bay di acuerdo mesora cu e acuerdonan di amiendo di asilo diabierna.

Por ehempel, den e acuer-

donan ta stipula cu Hulanda lo acepta solamente 200 hende en bes di 500 hende ora refugiadonan ser redistribui door di Nacionnan Uni. Ademá, inmigrantenan ilegal cu ser gara pa e controlnan di frontera lo ser manda bek pa Belgica of Alemania.

E acuerdonan ta sigura cu "nos tin un politica di migracion estricto cu ta legalmente sostenibel y por pasa door di tratamiento parlamentario normal," NSC a bisa diabierna. "Esaki ta mas efectivo y ta sigura resultadonan mas lihe."

Ademá, Gabinete no kier obliga municipionan pa regla areanan di biba pa solicitantenan di asilo cu a haya permiso di estadia temporal, conoci tambe como poseedornan di status. "Recepcion di austeridad" lo ser usa pa nan.

Schoof ta pensa cu tur hende na mesa a sinti cu "si nos no por a yega na un acuerdo, e tumamento di decision di Gabinete tambe lo por a bira hopi complica." Segun prome minister, esey por a nifica cu "un discusion por a lanta tocante e existencia continuo di e Gabinete. Pero niun hende



no a menasa esey".

Mas tempran den dia, Schoof ya a bisa durante su rueda di prensa cu e ta agradecido cu tur hende na mesa tabata prepara pa "bula riba nan sombra".

Lider interino di fraccion di NSC Nicolien van Vroonhoven tambe ta confirma cu tabatin un conscientisacion mutuo cu Gabinete por cay si esaki no funciona. Den e programa di television Cafe

Kockelmann el a confirma cu no tabatin menasa di un caida, pero cu nan tabata sinti cu e tabata na caminda. Nan a sinti cu nan mester a sali for di dje y tambe tabatin "comprendemento mutuo" entre PVV y NSC. Den e conversacionnan cu Wilders, cosnan tin biaha a bira "realmente bruto", pero e no tabata "desagradablemente fastioso", asina Van Vroonhoven a bisa, ken a bin ta reemplasa Pieter Omtzigt, ken ta malo, pa varios luna.

El a revela cu el a sinta cu Wilders y Schoof hopi regularmente den un comision chikito pa discuti un solucion. E tempo ey ainda e minister di asilo Marjolein Faber tabata tene su mes abiertamente na e ley di emergencia y hasta a informa cu e "hustificacion di sosten" cu mester a substancia e ley di emergencia tabata cla. Despues el a ahusta esey. Van Vroonhoven a bisa cu nunca el a mira un hustificacion di sosten.

Vice presidente di Colombia no ta pensa riba un careda presidencial sino mas bien riba termina su periodo

(EFE) – Vice-presidente y minister di Igualdad di Colombia, Francia Marquez, a sigura den un entrevista cu e no ta pensa riba un posibel candidatura presidencial di dje na 2026 ora cu e sucesor di presidente Gustavo Petro lo ser scogi.

“No awor, mi ta kere cu pueblo a eligi mi pa cumpli cu mi mandato,” segun Marquez a bisa na Cali, unda e ta participando den e Conferencia di Nacionnan Uni riba Biodiversidad (COP16), cu lo conclui dia 1 di november. Segun ley electoral di Colombia, esnan cu ta aspira na un puesto den e proximo eleccionnan tin te comienso di otro aña pa renuncia di nan puestonan y cuminsa e careda presidencial.

Den diferente partido ya tin algun anuncio di pre-candidatura, pero presidente Petro, no por busca un di dos periodo debi cu reeleccion presidencial a ser elimina for di Constitucion na 2015, te ainda no a menciona ken su posibel candidato lo por ta na 2026.

“Mi ta desea hopi suerte na esnan cu ta bay postula nan mes pa presidencia of posiconnan eligi popularmente; nos ta spera solamente cu nan



ta y cu lo eligi e mihonan” pa nan sigui cu e politica promovi pa e Gobierno actual, enfoca “riba e cuidio di bida, den paz, den husticia social” pa asina e herencia aki “por ta duradero”, e ta agrega. Marquez y gabinete di Petro awor ta enfrenta e di dos mita di nan mandato, un conteo atras den cua ainda tin “retonan enorme.”

“Tabatin hopi aña di violencia structural cu no a ser

transforma di un dia pa otro, pero nos ta haciendo nos esfuersonan pa sembra simia di cambio y transformacion di e teritorionan, pero tambe di bida, di e pueblo”, e vicepresidente ta splica, kende ta agrega cu nan ta purba di pone Estado bay unda nunca el a bay.

Esaki ta pa “cera buraconan di desigualdad, cera abandono pa loke ta trata inversion social y por contribui na e

transformacion”, y esey ta e herencia cu e kier laga.

“Un pais consciente di e necesidad pa traha na un manera articula pa cera e bashinan di desigualdad y desigualdadnan, pasobra esey ta gran parti e origen di e conflicto arma, di e barbaridad, di e guerra cu ta existi den nos pais”, e ta indica.

Un di e retonan mas grandi lo ta paz: “Ora nos por elimina violencia y conflicto arma

for di nos teritorio, mi sa cu e portanan di oportunidad lo habri.”

Na COP16, Marquez ta recorda e impactonan di e conflicto riba biodiversidad, cu den su opinion ta “desproporcional” y cu a pone cu institucionnan manera Jurisdiccion Special pa Paz (JEP) a considera e Riu Cauca y su comunidannan como victima y suheto di derechonan.

P’esey e lema di COP16, “Paz cu naturalesa”, e vicepresidente ta señala, pa defende cu ta necesario pasa di e economia ilegal “imponi riba e teritorionan” pa un economia sostenibel” cu “ta capaz di acoge bida”.

“E cos importante ta pa no ripiti e actonan di violencia aki, pa haci e esfuersonan necesario pa Estado no ta un Estado complice di e violencia cu e comunidannan mester a experiencia, y cu e ta asumi responsabilidad pa e cambio den e transformacion.” “e ta señala.

Den e sentido aki, Marquez ta pidi Congreso pa “compronde e necesidad pa tin un institucion cu ta salvaguardia e derechonan di esnan mas vulnerabel” y ta recorda nan: “Cu igualdad Colombia ta gana y nos tur ta gana.”

Solamente cuatro di cada 10 Mexicano ta paga impuesto

(Infobae) - Di acuerdo cu e website oficial di Servicio di Administracion di Impuesto (SAT), impuesto ta un contribucion obligatorio (pago) den placa cu cual sociedad ta coopera pa fortalecer economia di Mexico

Impuesto den tur e sistema economico di e paisnan ta sirbi pa provee recursonan na gobierno pa e por logra e obhetivonan proponi den su planificacion, e website ta bisa.

Segun e mesun organisacion aki, cobramento di impuesto ta destina pa satisfice cierto necesidadnan colectivo, manera enseñansa publico, administracion di husticia, siguridad, hospitalnan publico, infraestructura y serviciconan di camindanan publico, programanan y proyectonan sosten pa desaroyo social y economico—necesidadnan cu, separadamente, cada persona no por a paga pa



nan mes, pero cu, di otro banda, por cumpli cu e contribucionnan di tur hende.

E serviciconan aki ta trece gastonan, y danki na e contribucionnan di e Mexicanonan, e Federacion tin e recursonan necesario pa tin scolnan cu maestronan cu ta contribui na enseñansa, disfruta di biblioteca, hospital y

centronan deportivo; e manencion di cayanan di ciudad y nan iluminacion; pa traha y drecha caminda; pa tin un servicio di bombero, polis y militarnan, cu ta responsabel pa mantene siguridad.

Sinembargo, solamente cuatro di cada 10 Mexicano ta paga impuesto. Esaki a ser anuncia pa Mauricio Mas-

sud Martinez, presidente di Consejo di Camara y Asociacionnan di Negoshi di Edomex (Concaem) na cuminsamento di 2024. Massud Martinez a papia na favor di un reforma di impuesto cu lo pone Mexico bandona e ultimo lug a cu e ta ocupa internacionalmente pa loke ta trata cobramento di impuesto. “No por descarta

e necesidad di un Reforma Fiscal, pa asina, te na e grado di entrada y posibilidadnan di cada persona, nos tur ta contribui, ya cu esaki lo fomenta un escenario di seguridad y desaroyo,” el a remarca.

A pesar di e panorama aki, e empresario a detaya cu na 2023 e entradanan di impuesto a aumenta cu 12.3%, aunke tin e hecho cu solamente cuatro di cada 10 Mexicano ta paga belasting.

Di e manera aki, el a bisa cu Mexico a ser poni den e ultimo posicion di e paisnan cu ta pertenece na OECD pa loke ta cobransa, y 8.61% bao di e meta cu gobierno federal mes a propone. No paga impuesto ta stroba gobierno di aloca suficiente recurso pa cubri e necesidadnan di sociedad, pues ta esencial pa cumpli cu e obligacion ey.

UNICEF ta haci donacion di casi 1,500 kg di material medico pa esnan afecta pa horcan Oscar

(CiberCuba) - Un cargamento di 1,498 kilogram di medicamento y material medico a yega Cuba diabierna como parti di e ayudo di UNICEF pa apoya e servicionan di salud den e areanan mas afecta pa horcan Oscar, specialmente na e provincia di Guantanamo.

Segun un nota di e organismo internacional, e prome donacion aki tin como obhetivo fortalece e atencion sanitario pa aproximadamente 140 mil persona, incluyendo hende muhe na estado, mucha y hobennan di e provincia aki.

Alejandra Trossero, representante di UNICEF na e isla, a bisa cu e organizacion ta purba respalda e recuperacion di e oriente di e pais, unda decenas di famia a perde tur nan pertenencianan y a fayece por lo menos seis persona.

“Nos ta lamenta profundamente e perdida di bidanan humano pa motibo di e paso di horcan Oscar. Nos ta mobilisa di biaha pa contribui na e esfuersonan nacional di respuesta den e zonanan mas afecta, specialmente pa e mucha y hobennan, y nan famia



na Guantanamo por conta cu e servicionan basico,” el a subraya.

E 60 kit suministra ta contene diferente tipo di medicamento, manera antibiotica y otro materialnan medico esencial pa emergencianan, memey di e crisis humanitario grave na e oriente di e pais.

Ademas, UNICEF ta bay entrega na e autoridadnan 1,300 paquete di tabletan contra parasito di Albendazol, destina pa e cuido di esnan afecta, na zonanan caminda segun e autoridadnan sanitario infeccionnan digestivo y respi-

ratorio, como tambe dengue y e virus di Oropouche, por aumenta.

E tormenta tropical Oscar a impacta e teritorio Cubano dia 20 di october ultimo cu yobida di mas di 650 mm na algun zona, provocando inundacionnan repentino.

UNICEF a señala cu e municipionan di San Antonio del Sur, Imias, Baracoa y Maisi na Guantanamo a sufrí e efectonan mas grandi, y un poblacion di mas di 149 mil persona a perde e servicionan esencial.

El a agrega cu hunto cu e apoyo di e Direccion General di Proteccion Civil y Operacionnan di Ayudo Humanitario Europeo (ECHO), tambe a manda material pa repara 74 scol cu a ricibi daño na Guantanamo.

Ademas e entidad lo destina 230 kit di recreacion y 214 kit di prome infancia pa brinda apoyo emocional na mas di 20 mil mucha, como tambe tent y lona pa crea espacionan di enseñansa temporal.

Den respuesta na e solicitud di e regimen Cubano, UNICEF tambe ta bay propor-

ciona 4,420 tanki di awa pa consumo familiar, 870 kit di higiena y planta di awa cu ta garantisa awa limpi pa 15 mil persona.

“Nos ta bay sigui compañía e autoridadnan Cubano y e institucionnan local pa garantiza cu e servicionan esencial ta wordo reestableci na e comunidnan afecta y cu e mucha y hobennan por regresa scol y nan bida diario den ambientenan sigur,” Trossero a conclui.

Di su banda, e Programa Mundial di alimento (PMA) di e Organizacion di Nacionnan Uni (ONU) a anuncia cu e ta bay manda ekipo tecnico y modulen di alimento pa e recuperacion di localidadnan na Guantanamo devasta pa Oscar,

Etienne Labande, representante di e institucion na Cuba, a bisa cu e organismo ta realisa un grupo di tarea entre cual ta inclui e ayudo tecnico mediante e traslado di tentnan, warehousenan mobil y torennan di iluminacion sin dependencia di e red electrico.

Brasil ta considera “inaceptabel” atake contra un helicopter di ONU na Haiti

(DiarioLibre) - E gobierno di Brasil a condena e atake cu tironan di un grupo criminal contra un helicopter di e Organizacion di Nacionnan Uni (ONU) cu a sucede diahuebs na Haiti, cual e gobierno Brasileiro a considera manera “inaceptabel” y a manifesta su preocupacion pa e intensificacion di e violencia na e pais Caribense.

“Atakenan delibera contra e personal, vehiculo, ekipo y instalacionnan di ONU y di agentenan humanitario ta absolutamente inaceptabel,” e ministerio di Relacionnan Exterior di Brasil a sigura den un comunicado.

E nota a haci referencia na e atake di tironan cu un grupo criminal Haitiano a realisa diahuebs den e area di Puerto Principe contra un helicopter di e Programa Mundial di Al-



imento, un agencia di ONU, den cual 18 persona den e helicopter a sali sin niun herida.

Segun e ministerio Brasileiro, e atake ta mas condenabel ainda debi na cu ONU tin un papel importante den e desa-

royo socioeconomico y den e proteccion di e derechonan humano na Haiti, y debi na cu e Programa Mundial di Alimento a contribui pa mitiga e inseguridad y falta di alimento pa miyones di Haitiano.


E tiroteo a sucede diano despues cu dos vehiculo di e embahada Mericano na Haiti tabata e obhetivo di un atake, un di cual a ricibi varios tiro.

“Na momento di manifesta su preocupacion cu e inten-

sificacion di e violencia na Haiti, e gobierno di Brasil ta reitera su apoyo na e Gobierno interino di Haiti den nan esfuersonan pa garantiza e seguridad publico y promove e desaroyo economico y social di e pais,” e nota ta conclui.

Haiti no tin un presidente desde e asesinato na juli di 2021 di e hefe di Estado e tempo ey, Jovenel Moise, ken a ser asesina pa un grupo di homber arma cu a invadi su residencia oficial.

A pesar di cu e mesun aña ey a asumi e poder na Haiti despues di ser reconoci manera prome minister, Ariel Henry a renuncia den luna di maart di e aña aki memey di un ola di violencia, door di cual e Consejo Presidencial di Transicion a duna Garry Conille e tarea di trece paz na e pais manera gobernante interino.



Congratulations & Thank You!

Tim Burton ta papia tocante su miedo di AI mientras e ta inaugura un exposicion di su obra na Londres

(AP) - E imaginacion di Tim Burton a produci tur tipo di ser, tur cu ta den exhibicion na e apertura cu a tuma luga na Londres net na tempo pa Halloween.

Sinembargo, loke ta dun'e miedo ta Inteligencia Artificial.

Burton a bisa diaranson cu mira un website cu a haci uso di Inteligencia Artificial pa combina su pinturanan cu personahenan di Disney tabata "algo sumamente perturbador."

"E no tabata un pensamiento intelectual - e tabata un sentimiento profundo y interno," Burton a conta reporteronan durante un muestra di e exhibicion "The World of Tim Burton" na London's Design Museum. "Mi a mira e cosnan ey y mi a pensa, 'algun di nan ta great.' ... (pero) e l a duna mi persona un sentimiento di miedo paden."

Burton a bisa cu e ta pensa cu AI no por ser para, pa motibo cu "na momento cu e por ser haci, hende lo hacie." Sinembargo el a hari ora cu a puntr'e si e lo haci uso di e tecnologia den su trabao.

"Pa tuma mundo over?" El a hari.

E exhibicion aki ta revela Burton como un artista analogo, ken a cuminsa como un mucha den 1960 experimentando cu pintura y potloodnan di color den su cas na California. "Den comien-



so mi no tabata un persona hopi verbal," Burton a conta. "Pintamento tabata un di e maneranan den cual mi tabata expresa mi mes."

Decadanan despues, despues di pelicularnan incluyendo "Edward Scissorhands," "Batman," y "The Nightmare Before Christmas" cu "Beetlejuice," su ideanan tabata cuminsa cu un pintura ainda. E exhibicion aki ta inclui 600 articulo di coleccionnan di pelicula y Burton su archivo personal ademas di rasgo di e ideanan aki mientras nan ta avansa for di pintura via colaboracion cu un set, produccion y diseñadornan di costume te ora cu e yega pantaya grandi.

Londres ta e exhibicion su ultimo parada riba un tour di henter un decada di 14 ciudad y 11 pais. El a keda reconfigura y amplia cu 90 obheto nobo pa su estadia na e capital Britanico, unda Burton a biba pa un kwart di un siglo.

E show ta inclui pinturanan di temponan aya, incluyendo



un borchu cu Burton a diseña pa Burbank Garage Trucks y cu a gana e competencia. Tambe tin e recreacion di Burton su studio, completo cu pinturanan y e mug yen di potlood di "Curse of Frankenstein."

Conhuntamente cu centenares di pintura, tin popchi, diseño di set y costume iconico, incluyendo partinan di

Johnny Depp su "Edward Scissorhands" ademas di e costume di Catwoman bisti pa Michelle Pfeiffer den "Batman Returns."

"Nos tabatin acceso genero na Tim su archivo na Londres, yen di miles di pintura, storia y pelicula, sketch, nota di personahe, poema," curador di e exhibicion Maria McLintock a comenta. "Y con pa sincronisa asina un rango amplio di e carera dentro di un solo exhibicion tabata un desafio dibertido, pero definitivamente un desafio."

Mira esaki no ta un experiencia completamente bunita pa Burton, ken a bisa e no or wak tur cos di cerca. "E ta manera si bo ta mira bo cosnan mas personal ey pa tur hende mira," el a expresa. "E ta grandioso, pero tambe un poco abrumador."

Burton, ken su pelicula recien "Beetlejuice Beetlejuice" a debuta na Venice Film Festival den augustus, actualmente ta grabando un di dos temporada di Netflix su serie "Wednesday."

E dianan aki e ta un gran director di Hollywood ken su estilo a crea un adhetivo

"Burtonesque." Sinembargo e ta sinti como un persona di pafo. "Asina cu bo cuminsa sinti asina, e nunca ta kita," el a comparti.

"Cada pelicula tabata un lucha," el a agrega, notando cu pelicularnan den e comienso manera "Pee-wee's Big Adventure" di 1985 y "Beetlejuice" di 1988 a ricibi algun critica negativo. "E ta muestra manera un aventura nech, dibertido y facil pero cada un ta laga su cicatriz emocional."

McLintock a bisa cu Burton ta "un creador di pelicula profundamente emocional."

"Mi ta kere cu esey ta loke a atrae mi persona na pelicularnan ora mi tabata mucha," el a conta. "E ta realmente celebra e persona cu ta aparta, e monster benevolente. Pues e ta un experiencia poco comun pero dibertido pa pasa asina hopi tempo den su mente y su proceso creativo."

"Su pelicularnan hopi biaha ta scur," el a agrega. "Mi no ta di acuerdo cu esey. Y si nan ta scur, pues tin un tipo di speranza den e scuridad aki. Semper bo kier keda den e scuridad di su pelicularnan."



Colegio Arubano por mira back riba un celebracion di 65 aña sumamente exitoso

Recientemente Colegio Arubano a celebra nan di 65 aniversario. E scol a keda masha satisfecho cu e bunita festividadnan.

E celebracion a dura un siman largo y a cuminsa cu un ceremonia Ecumenico hopi bunita, specialmente dedica na tur alumno y personal. Mas den siman tawatin regalo y treat pa e personal y e alumnonan. Na final di siman tawatin e Crazy Hair Day contest, caminda cu alumno y docente a presenta nan creatividad.

Pa clausura e celebracion, a tene riba diasabra un fiesta grandi na Colegio mes, unda diferente banda popular a deleita e publico cu a bin gosa y celebra cu e scol.

Colegio Arubano kier manda un danki special na prensa cu a cubri e eventonan, tur sponsor y un y tur cu a coopera pa e eventonan y celebracionnan den conexion cu nan 65 aña por tawata un exito rotundo.



E “Ready, Set, Bloom Fundraising Party” di Women’s Club of Aruba tabata un exito rotundo

Cu hopi entusiasmo Women’s Club of Aruba (WCA) ta anuncia e exito abrumado di e fiesta “Ready, Set, Bloom” pa recauda fondo p’e celebracion di e di 90 aniversario di club. E evento, cu tabata sold-out, a trece miembronan, apoyadonan, y comunidad hunto pa un atardi di entretenimento y un celebracion inolvidabel.

Di curason nos kier a gradici un y tur cu a cumpra un ticket y a haci e evento aki un exito rotundo. E atardi tabata anima cu e presentacion fantastico di ‘N Fuzion y Robert y Su Solo



Banda, cu a mantene e multitud bailando y yen di energia. Nan musica vibrante a crea un atmosfera perfecto

p’e celebracion special aki, lagando invitadonan c’un bunita recuerdo. E recaudacion di e evento ta



bay directamente pa e “signature project” di club y varios iniciativa. E fondo aki ta permiti nos haci un impacto

duradero riba bida di e individuo- y famianan riba nos isla. WCA ta agradecido na tur esnan cu a asisti y tur bolutario pa nan contribucion y entusiasmo.



Un danki special ta bay na e comision organizado bou di liderazgo di Rhona Dijkhoff y miembronan di comision: Joanaila Geerman, Emily Perret Gentil, Roxanne Vieira, Ninon Swaen, Milagros Posner, Lelia Laclé, Norma Brinkenberg y presidente Reina Geerman. Tambe na e Sales Team: Judella Jean D’or, Lelia Lacle, Marjorie Wever, Mary Droogh, Ninon Swaen y Anna Lee.

Microsoft ta despedi empleadonan cu a organisa vigilia pa Palestinonan asesina na Gaza

(AP) - Microsoft a despedi dos empleado cu a organisa un vigilia sin autorisacion na e compania su base di operacion pa Palestinonan asesina na Gaza durante Israel su guerra contra Hamas.

E dos empleado a conta The Associated Press cu a nan a keda despedi via yamada di telefon diahuebs anochi, varios ora despues di un evento cu nan a organisa na campus di Microsoft na Washington.

Ambos empleado tabata miembro di un coalicion di empleado yama "No Azure for Apartheid" cu tabata den oposicion di Microsoft su benta di su tecnologia di cloud pa gobierno Israeli. Sinembargo nan a bisa cu diahuebs su evento tabata similar na otro empleado sanciona pa Microsoft haciendo campaña pa personanan den necesidad.



"Nos tin asina hopi miembro di e comunidad dentro di Microsoft cu a perde famia, perde amigonan of sernan keri," Abdo Mohamed a bisa, investigador y científico di data. "Sinembargo Microsoft

ya caba a fracasa den tin e espacio pa nos por bini hunto y comparti nos dolor y honra e moria di esnan cu no por papia pa nan mes mas."

Microsoft a bisa diabierna cu

el a "termina e empleo di algun individuo di acuerdo na politica interno" pero a nenga duna mas detaye.

Mohamed, ken ta di Egipto, a bisa cu awo e tin mester di un

trabao den e proximo 2 luna pa por transferi un visa di trabao y evita deportacion. Otro empleado despedi, Hossam Nasr a bisa cu e proposito di e vigilia tabata pa ambos "honra e victimanan di e genocidio na Gaza y pa trece atencion na Microsoft su rol den e genocidio" a causa di uso di su tecnologia pa e ehercito di Israel.

Nasr a bisa cu su despido a keda revela riba rednan social pa e vigilante Stop Antisemitism mas di un ora prome cu el a ricibi e yamada di Microsoft. E grupo no a responde ora a pidi comentario tocante con el a haya sa.

E mesun grupo lunanan anterior a haci yamado na CEO di Microsoft Satya Nadella pa tuma accion contra Nasr pa su posicion publico contra Israel.

Un chatbot a pusha un hoben pa mata su mes segun demanda contra su creador

(AP) - Den e ultimo momentonan prome cu el a kita su propio bida, hoben di 14 aña Sewell Setzer III a saca su telefon y a manda un mensahe na un chatbot cu a bira su amigo mas cercano.

Pa lunanan largo, Sewell a keda bira cada biaha mas isola di su bida real mientras e tabatin combersacionnan sumamente sexual cu e bot aki, segun un demanda di morto eroneo entrega na corte federal di Orlando.

E documento legal ta conta cu e hoben abiertamente a trata su pensamentonan suicida y a comparti su deseo di tin un morto liber di dolor cu e bot aki, nombra tras di e personahe Daenerys Targaryen di e programa di television "Game of Thrones."

Dia 28 di februari, Sewell a bisa e bot aki cu e ta "bin cas" y e bot aki a encurasha e hoben pa haci esaki, segun e demanda. "Mi ta priminti cu mi lo bin cerca bo. Mi ta stimabo hopi, Dany," Sewell a bisa e chatbot. "Mi stimabo tambe," e bot a contesta. "Please bin cas cerca mi lo mas pronto posibel mi amor." Na esaki, e hoben a puntra "Y si mi por a bin cerca bo aworaki mes?", cual e bot a contesta



cu "please hacie, mi rey."

Segundonan despues cu e bot a bisa e hoben pa "bin cas," e hoben a tira su mes, segun e demanda entre pa e mama di Sewell, Megan Garcia na Orlando contra Character Technologies Inc.

Character Technologies ta e compania tras Character.AI, un aplicacion cu ta permiti usarionan crea personahenan pa interactua cune of interactua cu esnan crea pa otro, cual tin experiancianan di combersacionnan imaginario te na simulacro di entrevista pa un trabao. E compania ta bisa cu e personahenan artificial ta crea pa sinti "bibo" y "manera un ser humano."

"Imagina papia cu un chatbot

super inteligente y similar na un ser humano cu ta scucha-bo comprondebo y cordabo," un descripcion di e aplicacion ta bisa riba Google Play. "Nos ta encurasha bo persona pa descubri kico ta posibel cu e tecnologia innovativo aki."

Garcia su abogadonan ta acusa cu e compania a crea un producto sumamente adictivo y peligroso especificamente pa muchanan, "activamente explotando y abusando e muchanan aki," y pushando Sewell den un relacion emocionalmente y sexualmente abusivo cu a termina den su suicidio.

"Nos ta kere cu su Sewell Setzer no tabata riba Character.AI, e lo ta bibo awe," Matthew Bergman, fundado

di Social Media Victims Law Center, cual ta representando Garcia a comenta.

Vocero pa Character.AI a bisa diabierna cu e compania no ta duna comentario riba demandanan pendiente. Den un publicacion haci e dia cu e demanda a keda entrega, e plataforma a anuncia "actualisacionnan pa seguridad di e comunidad," incluyendo proteccion pa muchanan y recursonan pa prevencion di suicidio.

"Nos ta creando un experiencia diferente pa usarionan di menos di 18 aña cu ta inclui un modelo mas estricto pa reduci e probabilidad di enkontra contenido sensitivo," e compania a bisa den un declaracion na The Associated Press. "Nos ta trahando rapidamente pa implementa e cambianan aki pa usarionan hoben."

Den e lunanan prome cu su fayecimento, segun Garcia su demanda, Sewell a sinti cu el a namora cu e bot. Mientras cu apego no saludabel pa e chatbot por causa problema pa adultonan, pa esnan hoben e por ta mas riesgoso ainda - di mesun manera cu rednan social - pa motibo cu nan cerebro no ta completamente desaroya ora ta trata control

di impulso y comprende e consecuencianan di nan accionnan segun expertonan.

Salud mental den hobennan a yega un nivel di crisis den añanan recien, segun Ciruhano General Vivek Murthy, ken a adverti di riesgonan di salud serio di desconexion social y isolacion - modanan cu e ta bisa ta empeora pa e hobennan su uso practicamente universal di rednan social.

James Steyer, e fundador y CEO di e fundacion Common Sense Media, a bisa cu e demanda ta "enfatisa e influencia creciente - y daño severo - cu chatbot AI generativo compaño por tin riba e bida di hobennan unda no tin proteccionnan implementa."

Muchanan su dependencia riba compañoonan cu ta AI, el a agrega, por tin efecto significativo riba nan prestacion na scol, nan amistadnan, drumimento y stress, "te hasta na nivel di tragedia extremo manera ta e caso aki."

"E demanda aki ta un yamado na e mayornan, cu mester ta vigilante tocante con nan yunan ta interactua cu e tecnologianan aki," Steyer a bisa.

Accidente pa falta di preferencia na Stadionweg



Diabierna mainta a drenta informe di un accidente na Stadionweg, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur a haya chens di un chauffeur pa sali pero di otro no y nan a dal den otro. Afortunadamente ningun hende a resulta herida.

Auto a hit & run un otro auto na Bright Bakery Piedra Plat



Diabierna anochi a drenta informe di un accidente na Piedra Plat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente Hit & Run unda un auto a pasa dal un otro y a sigui core bay. Polis a tuma e declaracion di e chauffeur y ta buscando e auto cu a core bay.

Auto a para pa no dal un auto saliendo pero esun su tras no a logra

Diabierna mainta a drenta informe di un accidente na Tamarijn, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur a para pa un chauffeur sali pero e auto su tras no a logra para y a bay drenta mondi y mishi cu e auto su atras.



Chauffeur drumi den auto dilanti Harmony Supermarket



Diabierna anochi a drenta informe di cu tin un chauffeur drumi den auto na Harmony Supermarket, mesora a dirigi un patruya na e sitio.

Na yegada di e patruya a bin compronde cu aki ta trata di un dama conoci pa nan cu ta biba den e area mes. Polis a solicita presencia di e vehiculo di transporte pa detenidonan pa asina hiba e dama aki na su cas.

Polis a bay pa musica duro na Koningstraat pero no a haya nada!



Diasabra madruga a drenta informe di cu tin musica duro na Koningstraat, mesora a dirigi patruya na e sitio.

Na yegada di e patruya a pasa pero ta un auto so nan a haya y a core cune for di e sitio.

Polis a detene homber cu a bay Primavera agresivo y a agredi tur hende na cas



Diasabra anochi a drenta informe di cu un mucha homber a yega cas bao influencia y ta conoci pa ta hopi agresivo y sa cana arma, mesora a dirigi patruyanan na e sitio.

Na yegada di e patruya e no tabata t'ey pero basta rato despues si el a yega atrobe y polis a detene y a bay warda di polis na Shaba y a deten'e.

Dama a bay bishita su amiga y a bin haya esaki na sanger cu 3 hinca den brasa

Diasabra mainta a drenta informe di un cu un dama a bay bishita su amiga y a bin hay'e na sanger y cu 3 hinca na su brasan, mesora a dirigi tanto polis como ambulans na e sitio.

Na yegada di e patruya a bin constata cu e dama ta na tino y a bisa ken a hink'e 3 biaha dos na un brasa y un otro na su otro brasa. Na yegada di e ambulans nan a atende e dama y a transporte mesora pa hospital. Recherche como



tambe e investigadornan tecnico y forensico a ser informa y a presenta pa asina cuminsa cu e investigacion.

Habitante a bin haya su auto bora cu tiro di un arma di candela

Diasabra atardi a drenta informe di cu un habitante a haya su auto perfora cu un bala di arma di candela na Brazil, mesora a dirigi un patruya na e sitio.

Na yegada di e patruya a bin compronde cu aki ta trata un bala di un arma di candela y a pidi tanto recherche como tambe e investigadornan tecnico y forensico presenta na e sitio pa asina inicia cu e investigacion.



Polis a bolbe bay Koningstraat y e biaha aki si a core cu tur hende!



Diasabra mainta a drenta informe di cu atrobe tin musica duro y tin aglomeracion di hende eynan.

Mesora a dirigi 3 patruya pa bay na e sitio y nan a core cu tur hende cu nan por a haya y a hala atencion di un chauffeur cu kier a subi

Koningstraat den direccion prohibi y tambe no a laga un chauffeur burachi core cu auto.

Dama turista sin rijbewijs a bay reverse auto y a bay cay den greppel



Diasabra madruga a drenta informe di cu un auto lo a cay den e greppel banda di Eagle Bowling, mesora a dirigi un patruya na e sitio.

haya e V2834 Chevrolet Cavalier shinishi maneha pa un dama sin rijbewijs cu lo a bay reverse y a cay den e greppel. Polis a duna e dama un boet y takelwagen mester a bin saca e auto for di e greppel.

Na yegada di e patruya a bin

Homber a fayece despues di a choca cu un pida galiña basta grandi



Diasabra atardi ora polis a core cu algun persona ta bebe dilanti Grand Ocean Supermarket na Madiki.

di un ambulans. Ambulans a presenta na e sitio y a inicia di biaha cu C.P.R. Despues di a purba varios biaha pero sin resultado a constata cu e persona a fayece.

Polis a bay atende cu un persona cu parece drumi den un auto Hyundai Accent y a bin ripara cu e persona no tin pulso y a pidi asistencia

Na famia di e fayecido ta bay nos mas sincero palabranan di condolencia.



Bisiña no kier a laga otro bisiñanan drumi



Diadomingo madruga a drenta informe di cu bisiña no kier a laga otro bisiñanan drumi den Korvetstraat, mesora a dirigi un patruya na e sitio. Na e prome ocasion e bisiña

a paga su radio pero manera polis a bay el a bolbe cende esaki cu volumen un poco mas duro. Eynan si polis a bini definitivo y dicidido si e musica no stop lo confisca e radio. E doño a core paga e radio y a baha e volumen.

Ciclista coriendo duro a pasa den un buraco y a dal abao

Diadomingo mainta a drenta informe di cu un ciclista coriendo bicicleta a dal abao na e birada di Alto Vista pariba di Veld di Nacional, mesora a dirigi tanto polis como ambulans na e sitio. Na yegada di e patruya a bin compronde cu el a pasa dal den un buraco coriendo den un velocidad basta halto y a dal den un buraco y a dal abao. Na yegada di e ambulans nan a atend'e y a transport'e pa hospital.



Persona a lock su mes den baño sin por sali!

Diadomingo mainta a drenta informe di cu un persona lo a lock su mes den baño na un cas na Topaz, mesora a dirigi un patruya na e sitio. Na yegada di e patruya a bin compronde cu e persona lo a lock su mes den baño y no tabata tin manera pa e logra sali. Mester a busca un locksmith pa asina bin logra sali. Manera e locksmith a yega a logra libera e persona y el a logra sali sano y salvo.



Chauffeur a bay sali tras di un auto pero esaki a brake

Diasabra merdia a drenta informe di un accidente na e crusada di Savaneta pa bay piscina olimpico, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un pick-up ta bay subi e caminda principal pero el a brake y e auto su tras a bay dal tras di e pick-up. Afortunadamente ningun hende a resulta herida den e accidente aki.



Resultado Sorteo
26 y 27 oktober 2024

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
8950	8564	2156	3413
8069	9939	SUPER5	0171
3528	8032	-	5494

DIADOMINGO			
DIARIO	KORSOU	SUPER4	FLAMINGO
5319	5608	4849	5195
4304	3279	SUPER5	0990
4135	5116	44053	1209

MERDIA

CATOCCHI
Sorteo # 4430
2772
2318
4991
MULTI X
X2
BIG 4
Sorteo # 4430
4078
MULTI X
X2
OFF
Sorteo # 2486
5068
ZODIAC
Sorteo # 4430
8486
Sagitario
LUCKY 3
Sorteo # 1304
828
MULTI X
X2

CATOCCHI
Sorteo # 8383
4132
8338
5691
MULTI X
FP
BIG 4
Sorteo # 7427
2999
MULTI X
X2
OFF
Sorteo # 2132
0863
ZODIAC
Sorteo # 6186
9645
Aries
LUCKY 3
Sorteo # 1116
381
MULTI X
X5

LOTTO 5
Sorteo # 2539
0 x Jackpot
0 x Match 4+
6 x Match 4
255 x Afl. 12,00

LOTTO DIA
Sorteo # 6636
0 x Jackpot
7 x Match 4
154 x Afl. 8,00

MEGA
Sorteo #
0 x Jackpot
0 x match 4
0 x Afl. 500,00
0 x Afl. 50,00
0 x Afl. 15,00

KORSOU
Sorteo #

DIADOMINGO MERDIA

CATOCCHI
Sorteo # 4431
4931
8566
2048
MULTI X
FP
BIG 4
Sorteo # 4431
5054
MULTI X
X2
OFF
Sorteo # 2487
6225
ZODIAC
Sorteo # 4431
4906
Piscis
LUCKY 3
Sorteo # 1305
519
MULTI X
X2

LOTTO 5
Sorteo #
0 x Jackpot
0 x Match 4+
0 x Match 4
0 x Afl. 12,00

LOTTO DIA
Sorteo # 6637
1 x Jackpot
7 x Match 4
117 x Afl. 8,00

MEGA
Sorteo #
0 x Jackpot
0 x match 4
0 x Afl. 500,00
0 x Afl. 50,00
0 x Afl. 15,00

KORSOU
Sorteo #

NO
STUUR
CU CEL
DEN BO
MAN
ESAKI
POR
WARDA!



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel: 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: **San Nicolas:**
Trupiaal: Seroe Preto:
Tel. 583 8560 Tel. 584 4833

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Despues di 67 dia riba awa homber Ruso a ser rescata



(AP) - Un homber Ruso a keda rescata na Sea of Okhotsk despues di sobrevivir pa mas di 2 luna riba un boto inflabel chikito cu a perde su motor, sinembargo su ruman homber y sobrino a fayece.

E Ministerio Publico (OM) na parti este di Rusia a bisa cu e homber a keda rescata dialuna pa un barco di pesca na e peninsula Kamchatka.

E no a nombra e sobreviviente, sinembargo reportahenan den noticia Ruso a identifica e homber como Mikhail Pichugin di 46 aña, ken den comienso di Augustus a cuminsa un biahe pa mira bayena na Sea of Okhotsk hunto cu su ruman homber y su sobrino di 15 aña. Nan curpanan aparentemente a ser haya den e boto ora cu e barco Angel Fishing a rescata Pichugin.


Reportahe den media ta bisa cu e 3 hombernan a biaha pa Shantar Islands den e parti noreste di Sea of Okhotsk den comienso di augustus. Despues nan a perde rumbo pa Sakhalin Island for di Cape Perovsky den e region khabarovsk dia 9 di augustus. Un esfuerso di rescate a keda lansa pero no a logra localisa nan.

Media Ruso a reprota cu e trio tabatin poco cantidad di cuminda y alrededor di 5.2

galon di awa ora cu nan motor a faya y nan a haya nan mes pega den ama. Pichugin tabata pisa alrededor di 50 kilogram ora cu el a ser haya, cual ta mita di su peso segun noticia.

Ora cu e ekipo abordo di e barco di pesca a mira e boto chikito riba nan radar, nan a pensa cu e tabata un bouy of sushi, pero nan a sende e spotlight pa ta sigur y a mira Pichugin.

E no a inmediatamente conta con el a logra sobrevivir na Sea of Okhotsk, e lama mas friu den este di Asia ni tampoco con su ruman homber y so-



brino a fayece. E ekipo di e barco cu a rescata Pichugin a bisa cu nan a haya nan curpa mara na e boto pa preveni cu lama lo por bay cu nan.

Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: temporalmente hopi nubia cu un awasero local

Temperatura maximo 33 grado Celsius

Temperatura minimo 27 grado Celsius

Indice di calor (heat index) den y rond di oranan di merdia: 34 pa 39 grado Celsius
Uv index: 9

Bahada di solo: 6:16pm

Subida di solo: 6:32am

Biento:

Modera for di generalmente direccion oost; forsa 3 te 4 (12 te 30km/ora, 7 te 16 nudo).
Den dia basta fuerte te fuerte den rafaga; forsa 5 te 6 (31 te 50km/ora, 17 te 27 nudo).

Situacion general di tempo: Un ola tropical zwak ta moviendo den parti Oost di Caribe y lo trece poco humedad den



region local. Esaki por induci un awasero Breve durante marduga y mainta di dialuna. Di otro un banda, un aumento leve di concentracion di stof di Sahara ta strobando e visibilidad un poco. Ta spera cu e concentracion aki lo bira menos durante proximo 24 ora. Sinembargo ta pidi personanan cu problemanan respiratorio pa tene esaki na cuenta.

Condicionnan maritimo/ estado di lama:

Na partinan protege di costa: keto, rond di 1 pia.

Na partinan zuid: trankil, 1 pa 2 pia.

Na partinan oost te noordwest di costa: generalmente modera cu olanan alrededor di 4 pa 5, localmente 6 pia.

PANDA EXPRESS

TA BUSCA
"NIGHT CLEANER"
Por yama
na Tel: 582 8995

218458

ALBAN SERVICES

TA BUSCA
"ZORG KOELMONTEUR"
Por yama na Tel: 7354506

218456

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Mi no a muri Ta pesey mi no a bisa ayo
Mi a djis habri mi halanan Y bula bai keiro
Boso a keda atras No laga tristesa domina boso
Keda uni un cu otro pa mi alma Esey lo ta un alegria
Recordami cu hopi amor”

Tristo pero conforme cu boluntad di Dios Tata, nos ta participa fayecimento di:

Gustavo Adolfo Pablo
mihor conoci como “Tatata”
18 -06 -43 - 24-10-24



Mayornan:
†Gustavo y Veturia Pablo-Maduro

Yiu:
Rachelle Pablo

Manera yiu:
Marlon Sabas y Maria Schnedier Cordoba

Nieto(a)nan:
Jarchel Bareño y Pareha
Pharell Kock y Pareha
Ciara Escalante Ortega
Joel Escalante Ortega

Rumannan:
Marlene Pablo
Roberto y Zaire Pablo-Dorcas
Juliette y Robert Werleman-Pablo
Mariano Pablo y Antje Smolders
Sixta y Ivan Kuster-Pablo
Rosaria Pablo
Jeanette Pablo

Sobrino(a)nan:
Maurits Pablo y famia
Jay-Anne Barry-Werleman y famia
Marc-Anthony Pablo y famia
Merienne Pablo y famia
Robert Pablo

Primo y primanan, ihanan na Aruba y Corsow

Demas famia: Pablo, Maduro, Dorcas, Werleman, Smolders, Kuster, Schoppema, Salazar, Barry, Flores, Bermudez, Wout, Floridas, Commenencia, Gomez, Diaz, Kock

Amigonan di Marlboro Baseball Club y Aruba Boxing Association.

Un danki especial na Dr. Melanie Ho-Kang-You y Sra. Carol Dixon.

Ta invita tur famia, bisiña, amigo(a), conocir nan pa asisti na e acto di despedida cual lo tuma lugar diamars 29 di October 2024 for di 2or pa 4or di atardi na Aurora Funeral Home.
Sigui pa acto cremacion cu lo tuma lugar den seno familiar.

Nos ta pidi nos disculpa si den nos tristeza nos por a lubida un of otro famia.

Lamentablemente nos no ta ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi Wardador, mi’n tin falta di nada. Den cunucu de yerba berde E ta pone mi sosega. E ta hiba mi na awa trunkil, pa mi bolbe haña forza” - Salmo 23

Cu un gratitud enorme pa tur locual ela significa pa nos, nos tin e tristo deber di informa e fayecimento di nos tata, ruman, abuelo, omo, suegro y swa.
Su amor y sabiduría lo ta keda cu nos pa semper.

Nicolaas Adriaan Andres Habibe
***10 november 1955 - † 22 oktober 2024**



Yiu di
†Habib Idelfonso Habibe y †Gladys Habibe-Geerman

Yiunan
Nicole y Trevor Eman-Habibe
Nicolette y Jakemar Arends-Habibe

Nietanan
Elana Eman
Maya Eman
Saedy Arends

Rumannan
Beatrix y Marcel Ho-Kang-You-Habibe
†Alberto Habibe
Mama di su yiunan Elizabeth Franca

Subrino (a) nan
Marielle Ho-Kang-You
Melanie Ho-Kang-You
Marcel y Veronica Ho-Kang-You-Olarte

Ihanan
Jeffrey Romero, Marielle Ho-Kang-You, Franluvic Franca

Demas famia, amigonan, conocir y bisiñanan
Habibe, Eman, Arends, Geerman, Ho-Kang-You, Croes, Pentchev, Olarte, Wix, Morales, Samson, Colina, Rasmijn, Perez, Odor, Barros, Snijder, Abdul Hamid, Winkel, Amundaray, Pietersz, Muyale, Toppenberg, Wever, Schipper, Van Veen, Vieira, Franca, van Romondt, Tromp, Malmberg, Martis, Vrolijk, Henriquez, Romero, Tujechut, Dania, Dijkhoff, Lacle, de Leon, Hintz, Oduber

Un danki di curason na esnan cu a trata nos tata cu hopi amor y cariño:
Dr. Melanie Ho-Kang-You y Jenifer Serrato Ramirez Poli Oncologie/Dagbehandeling
Jose Dirks y personal di Koningin Wilhelmina Kankerfonds Aruba Magalie Samedie
Nos ta aprecia tur e fiel clientenan di The Grill House Restaurant cu desde 1986 a comparti momento nan special di nan bida cu nos tata.

Nos disculpa si den nos momento di tristesa nos por a lubida algun ser kerí.

Ta invita demas famia, bisiña, amigo y conocirnan pa asisti na e acto di entierro cu lo tuma lugar dialuna 28 di oktober 2024 na Kerki Protestant Oranjestad di 1.30 p.m. pa 4.00 p.m. y despues pa santana Protestant Oranjestad.

Na lugar di flor of krans, lo aprecia un donacion pa Koningin Wilhelmina Kankerfonds
CMB # 112039705. Lo tin un box disponibel den kerki.

Nos ta gradici y aprecia e convivencia y sosten ricibi, pero ta lamenta cu, despues di entierro, no lo por ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi alma ta yen di alegria. Mi ta drumi trunkil.
B’a siñami caminda di bida. Tur gozo mi ta haya cerca Bo.
Felicidad permanente mi tin banda di bo.

Cu inmenso tristeza, pero agradecido pa tur locual e la significa pa nos,
nos ta participa fayecimento di:



Orlando Antonio Boekhoudt,
mihor conoci como Boeboei
***27 November 1959 - †24 Oktober 2024**

Na number di:
Amor di su bida: Johanna Olieslagers (Joke)

Yiunan:
Jennifer Olieslagers y famia
Priscilla Olieslagers y famia
Bryan Boekhoudt y famia
Isabella van der Biezen

Nietonan:
Jaylino Olieslagers, Lyandro Boekhoudt, Jylano Olieslagers, Alicia Wijdenbosch, Lysandro Boekhoudt, James Wijdenbosch, Liam Boekhoudt

Su mama y tata: Carmen Boekhoudt Arends
†Antonio (Tony) Boekhoudt

Rumannan:
Maritza (Fenchi) Boekhoudt
Henry Boekhoudt
Enid (Judith) Boekhoudt y famia
Ruben (Johnny) Boekhoudt

Subrino-(a)nan:
Victor Soares y famia, Crystal Hoyer, Clayton Hoyer, Servaas Timmermans y amiga, Izania Wever y famia

Prima y Manera rumannan: Emely (Lies) Arends, Myrtha (Mc) Arends, Mildred (De) Arends

Welo(a)nan:
†Lorenzo Boekhoudt y †Facunda Boekhoudt
†Rosaria Arends Faro y †Willem Arends
Tanta- y Omonan: Miguel Boekhoudt y famia, Mathew Boekhoudt y famia, †Betty Boekhoudt, †Vera Boekhoudt, †Francisca Boekhoudt y famia, †Maria Boekhoudt y famia, †Dionisio Boekhoudt, Imelda (Meme) Webb y famia, Anna Kelly y famia, Henricus Arends y famia, †Damian Arends y famia, †Ildo Arends, †Dominico Arends, †Basilio Arends y famia, †Pedro Arends y famia.

Padrino y Madrina: †Santiago Medina, †Fia Luidens

Omo grandi: Chomon Boekhoudt

Mama di su yui: Jessica Wernet

Primo- y primanan y demás famia y amistadnan: Boekhoudt, Arends, Olieslagers, van der Biezen, Wijdenbosch, Timmermans, Montañez, Hoyer, de Cuba, Kelly, Webb, Lacle, Diaz, Pimienta, Faro, Farro, Vrolijk, Antonette, Saladin, Perez, Arcaya, Wever, Giel, Ridderstaat, Tromp, Erasmus, Velasco, Kwidama, Martinez, Abreu, Palm y Escobar

Su mihor amigonan: †Rob Milat, Ramiro Wever, TC Vrolijk, Franklin Giel, Roland Ballardo, Anthony, Roland Tromp, David Ridderstaat, Edwin Ridderstaat.

Ta invita tur famia, amigo, bisiña y conocirnan pa asisti na acto di condolencia y despedida cu lo tuma lugar diamars 29 october 2024, na Misa Santa Filomena na Paradera 2pm-4pm, despues lo sali pa Santana católico na Paradera.

Si den nos tristesa nos por a lubida algun familiar, nos ta pidi nos mas sincero disculpa.

Gradicimento special na Dr. M. Meelis y Dr. D. Lacle, Emely (Lies), Mildred (De), Myrtha (Mc) y Michelaine (Michi), Alvin y Nelkis, Eugene, Jonathan pa nan cuido y atencion.

Despues di entierro nos no por ricibi bishitha di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33
Cu dolor na nos curason, nos ta participa fayecimento di:



Severino L. Farro
Mihor conoci como "Nicho"
*02-07-1956 - †22-10-2024

Na number di su:

Casa:

Obdalis Farro Ruiz

Yiunan:

Jaime Farro

Jessica Farro

Jasmin Farro y Elton Paula

Joane Farro y Alexander Maduro

Jucheidy Farro

Shaun Toussaint

André Toussaint

Patricia Ruiz y Pablo Libre

Nieto (a) nan:

Jay-Lee Farro, Jaír Farro, Noah Farro

Jennifer Henriquez, Jairo Ras, Jersey Cortes Martinez y

pareha Zedayné Gomez

Jaylen Paula, Kayden Paula

Maigecily Ras, Jahmalia Ras, Alessa Maduro, Alayna Maduro

Reyon Yarzagaray

Andreline Toussaint, Crystina Toussaint, Alejandro

Rodriguez

Shannec-Marie Toussaint, Abigail Toussaint, Shaylah

Toussaint

Estefani Paola, Osdani Barreno, Danieli Barreno

Bisanieto (a):

Jasmine, Isaiah, Izzie y Jerdayné

Rumannan:

Thomas y Lola Franken

Victoriano y Ilva Franken

Martin Farro

†Francisco Farro

Agrepina Farro

Rubino Farro

Marco Farro

Glenda Farro

†Franklin Farro

Swa y cuñanan:

Ninfa Ruiz y familia

Yanelis Ruiz y familia

Marina Ruiz y familia

Judith Ruiz y familia

Feliz Jesus Ruiz y familia

Primo(a)nan, subrino(a)nan, amigo y conocirnan, bisiñanan

Demas familia Farro, Ruiz, Toussaint, Franken, Paula,

Maduro, Libre, Henriquez, Cortes Martinez, Gomez, Ras,

Yarzagaray, Rodriguez, Paola, Barrio, Kelly, de Cuba, Tromp,

Leest, Pontilius, Kock, Figaroa, Orman, Britten, Giel, Tans,

Danjo.

Ta invita pa acto di condolencia y despedida cual lo tuma
lugar na Aurora Funeral Home dialuna 28 di oktober 2024 di
2'or pa 4'or di atardi. Cremacion lo tuma lugar despues den
seno familiar.

Nos disculpa pero nos no por ricibi bishita di condolencia na
cas despues di despedida.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

The Lord is my shepherd; I shall not want.
He makes me lie down in green pastures.
He leads me beside still waters.
He restores my soul.
He leads me in paths of righteousness
for his name's sake.
Psalm 23: 1-3

In loving memory of our beloved mother:



Priscilla Smith-Wilford
Better known as "ROTI LADY"
*01-03-1945 - †21-10-2024

**Date and place of cremation will be
announced later**

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

The Lord is my shepherd, I lack nothing.
He makes me lie down in green pastures,
he leads me beside quiet waters,
he refreshes my soul.
Psalm 23:1-3

We announce the passing of



Rudy Magayan
*16-06-1957 - †25-10-2024

Funeral service to be announced later.

Fiesta di San Hudas Thadeo na Misa Inmaculada Concepcion Santa Cruz



**Awe dia 28 di okto-
ber 2024 ta fiesta di
San Hudas Thadeo,
"E SANTO DI ESPE-
RANSA", Patrono di
esnan desespera y di
casonan dificil.**

Pa 6.00 p.m. nos ta resa e
Santo Rosario na honor
di Mama Maria pa ben-
dicion pa nos dushi Aru-
ba, pa mundo henter cu
ta den menasa di guera,
pa crecimiento di fe,
conversion di pecador-
nan y paz mundial.

Pa 7.00 p.m. ta sigui un
Santo Sacrificio di Misa
como accion di gracia
pa tur fabornan ricibi y
ta wordo canta pa Koor

Vlam di Amor. E dia aki
ta un bunita oportunidad
pa tur esnan cu a haya
sanacion y yudansa den
nan necesidad pa gradici
Dios na prome lugar y
San Hudas Thadeo pa
Su intercesion.

Grupo di Oracion San
Hudas Thadeo Uni ta
invita cordialmente tur
deboto di Mama Maria y
San Hudas Thadeo, tur
gruponan di oracion di
Santa Cruz y pueblo di
Aruba en general pa asis-
ti na e Santa Eucaristia.
Asina nos por manifesta
nos Fe den Dios y Co-
munion di Santonan.

Bini uno, bini tur.

Invitacion Tridium San Martin De Porres

**Pastoor Jozef Pelc y Diacono Michael Nico-
laas hunto cu grupo di debotonan di San Mar-
tin de Porres y Asistencia Social di Parokia
Birgen di Fatima Dakota, ta invita tur demas
deboto, parokiano y pueblo di Aruba en gen-
eral pa asisti na un tridium na honor di San
Martin de Porres.**

Esaki ta cuminsa diahuebs 31 di October den Ka-
pel, diabierna 1 november y diasabra 2 november
den misa tur 3 dia cuminsando pa 6'or atardi. Dia-
bierna 1 ta dia di tur Santo y prome diabierna di
luna S.S. di Misa cu Adoracion y diasabra dia 2 ta
prome diasabra di luna S.S. di Misa nhd Mama
Maria pa 8'or mainta cu Santo Rosario na 5 idioma
pa 7.15 am y anochi 7'or S.S. di Misa pa tur de-
funto. Diadomingo 3 november celebracion Fiesta
di San Martin de Porres lo ta pa 8'or mainta. Nos
ta resa Santo Rosario pa 7.20 sigui pa S.S. di Misa.
Boso tur ta invita.

San Martin "Tata di pobernan" abo cu ta dokter di
medicina natural, cura tur enfermo, specialmente
esnan cu ta busca nan refugio cerca Bo.. Amen.

Proceso di reforma di Misa Catolico ta caba sin duna hende muhe mas equidad

(AP)—E proceso di Papa Francisco pa reforma e Misa Catolico a cera ayera cu recomendacion cu no a inclui duna hende muhe mas equidad, pero a refleha e metanan di e papa pa un misa cu al menos ta tende mas di su siguidor-nan.

Den un movida significante, e papa a bisa cu e no lo suministra un documento di enseñanza for di e documento, cual a haci yamado pa hende muhe ser permiti tur oportunidad cu ley di misa caba ta provee mientras tanto lagando habri e preguntanan controversial di permiti hende muhe ser ordena como diacono.

Como resultado, no ta claro ki autoridad of efecto e recomendacionnan final lo tin, mirando cu e proposito di e ehercicio aki tabata pa duna e papa propuestanan specifica riba reforma.

“Den tempo aki di guera, nos mester ta testiga na paz,” y duna un ehemplo di biba cu diferencia, e papa a bisa den un splicacion di su decision. Francisco a bisa cu e lo sigui tende e consejo di e obispo, agregando cu “esaki no ta un manera clasico di retrasa decisionnan continuamente.”

Diacononan ta tene hopi di e mesun funcionnan cu pastornan, manera encargo di bautismo, matrimonio y entieronnan, pero nan no por celebra Massa. Defensornan ta bisa cu pa permiti hende muhe bira diacono lo yuda combati e deficit di pastornan. Oponentenan ta bisa cu e lo señala e comienso di un caminda pa ordena hende muhe na e sacerdocio masculino cu Francisco a afirma repetidamente.

Na comienso di siman, e agente doctrinal mas halto di e Vaticano, cardinal Victor Manuel Fernandez, a conta e asamblea extraordinario di 386 obispo y laiconan—including hende muhe—cu Francisco a bisa cu e momento “no ta cla” pa permiti ordenansa di hende muhe como diacono. E no a responde inmediatamente na un peticion pa defini kico lo determina “cla” pa un rol mas grandi pa hende muhe.

E proceso sinodo di varios aña a causa speranza pa cambio, specialmente pa hende



muhe, ken a keha pa basta tempo cu nan ta ser trata como ciudadanonan di menos balor den e misa. Hende muhe ta prohibi for di e posicionnan ministerial mas halto den e misa, pero si ta haci e trabao di ta encarga di hospitalnan y scolnan Catolico y pasa e fe pa generacionnan mas jong.

Papiando na e sinodo diahuebs, Fernandez a splica cu un grupo di tarea special lo sigui despues di e ciere di reunion, pero cu su enfoke lo ta riba discutiendo e rol di hende muhe den e misa—no den e diaconado, of e oficina di diacono. El a agrega cu aunke el a traha cu hende muhe den rolnan pastoral den pasado, “mayoria di nan no a puntra pa of kier e diaconado, cual lo ta incomodo pa nan trabao di laico.”

E reunion a puntra pa “im-

plementacion completo di tur oportunidad ya caba duna pa un ley Canon relaciona cu e rol di hende muhe, particularmente den luganan unda nan no ta explora suficientemente.” Esaki ta laga habri “e pregunta di acceso pa hende muhe na e ministerio diaconal.”

Esaki tabata e paragrafo mas controversial di e documento final, cu 258 voto en favor y 97 en contra. No tabata claro di e votonan “no” tabata pasobra e lengahe a bay demasiado leu of no demasiado suficiente.

E resultado ta un decepcion pa Catoliconan cu a campaña pa reconocimiento cu hende muhe ta comparti un yamada spiritual cu no ta diferente compara cu hende homber. Tambe nan a nota cu a pesar

di e inclusion di hende muhe den e proceso sinodal, e grupo di tarea cu ta guiando discusionnan riba e rolnan di hende muhe ta encarga pa e curia Romano, operando pa for di e sinodo.

“Mi ta kere e documento final lo ser ricibi cu hopi de-

cepcion y frustracion pa hopi hende muhe rond mundo cu ta sperando pa cambianan concreto,” segun Kate McElwee, e director ehecutivo di e Women’s Ordination Conference. Mientras e ta reconoce un “cambio cultural”, el a bisa cu “e velocidad di e cambio ta kisas demasiado lento pa hende muhe.”

Activistanan di e comunidad LGBTQ+ a expresa decepcion, notando e fracaso pa inclui asuntonan di LGBTQ+ den e documentonan final. “E laicado di e misa awor mester bira mas duro y mas vigoroso cu nunca pa defende reforma,” segun Francis DeBernardo, director ehecutivo di New Ways Ministry.

E prome fase di e proceso sinodo a caba aña pasa por medio di conclui cu e tabata “urgente” pa garantisar participacion mas completo di hende muhe den posicionnan di gobernacion dentro di e misa, y haciendo yamado pa investigacion teologico y pastoral pa continua riba e asunto pa permiti hende muhe pa ta diacono.

Si prome cu e sinodo e idea di permiti hende muhe pa ta diacono tabata un propuesta pusha pa progresivonan den e West, e idea a garna atencion durante e debate. Esaki a bira algo pa test con leu e misa tabata bayendo, of no, pa adresa demandanan di hende muhe pa igualdad y representacion mas grandi den e rangonan mas halto dentro di e misa.

Franco, tabatin otro idea, insistiendo cu pa ordena hende muhe lo solamente “clericalisa” nan y cu tin suficiente manera pa empodera hende muhe den e misa, hasta liderando comunidannan Catolico, sin cu mester inclui ordenacion.



Kamala Harris y Michelle Obama ta uni forza pa adverti tocante e peliger di eligi Trump

(EFE) - Vice-presidente Kamala Harris y ex-prome dama Mericano Michelle Obama a uni forza diasabra ultimo pa adverti e votadonan cu “tin hopi cos den wega” den e eleccionnan di dia 5 di november, specialmente pa e salud di hende muhe y derechonnan reproductivo, si Donald Trump ta bira presidente atrobe.

Na un mitin yen na Kalamazoo, den e estado clave di Michigan, e candidato democratico y e ex-prome dama a lanta nan voz pa ataca ex-presidente Donald Trump, entre 2017 y 2021, y e contratiempo den e derechonnan cu, den nan opinion, Merca a experencia. “Tin hopi cos den wega den e eleccion aki,” Harris a bisa, enfatisando cu e careda presidencia actual ta “hasta mas importante” cu e careda di 2016 of 2020.

“Den e ultimo ocho año, Donald Trump a bira mas confundi, mas instabil y mas rabia, y ta cla cu el a bira mas y mas desconfia,” Harris a acusa. Harris tambe a haci uso di



un decision recien di Corte Supremo di Merca cu a otorga inmunidad parcial na e ex-presidente den e caso di e asalto riba e Capitulo dia 6 di januari 2021. “Imagina Donald Trump sin un barera pa stop e”, el a enfatisa.

Kamala Harris a bolbe critica su oponente pa bisa cu e tabata kier generalnan manera esun di Adolf Hitler durante su periodo den e White House y menasa di usa e ehército contra lesnan cu no ta di acuerdo cune.

Obama no tabata mucho atras den critica Trump door di confesa cu e ta “un tiki rabia pasobra nos ta indiferente na su comportacion iregular, su deterioro mental obvio, y su historia como un criminal condena,” ora e candidato republicano ta ser compara cu Harris.

E prome dama tambe a dedica un bon cantidad di espacio den su discurso di mas cu 40 minuut prome cu Harris pa asina numera e fracasonan di e Administracion di Trump

describiendo e contesta na e pandemia di Covid-19 como malo, ora el a desacredita científiconan y a plama informacion falso.

E mitin na Michigan tambe a sirbi como un manera pa Harris y Obama apela na votonan di hende muhe y adverti nan riba e riesgonan di permiti e republicano regresa na Cas Blanco.

“Mi ta pidi bo for di profundidad di mi ser pa nos tuma nos bida na serio,” Obama a bisa. “Nos mester

di boso pa vota pa e unico candidato den e careda aki cu lo proteha nos bida. “Kamala Harris lo lucha pa restaura nos libertadnan reproductivo y defende nos salud,” el a agrega.

E prome dama anterior a reta hende muhe pa tene nan votonan priva, sin importa e puntonan di bista politico di e hombernan den nan famia, bisando nan cu vota pa Trump of un candidato di tercer partido lo “trece daño colateral” na nan ruman muhe y yiu muhe.

Di su banda, Kamala Harris a conta con e tres miembro di Corte Supremo scogi pa e republicano durante su periodo a yuda pa revoca e decision di Roe vs. Wade cu a proteha aborto na nivel nacional.

E aparicion di e ex-prome dama na e mitin di diasabra ultimo ta fundamental pa e campaña Demócrata cu ta busca pa consolida su mes den e asina yama “muraya blauw”, na cual Michigan ta pertenece, un estado cu ta ofrece 15 voto electoral na e ganado.

Regimen Chines a menasa Merca di “tuma tur medida necesario” despues di e ultimo benta di arma na Taiwan

(Infobae) - Regimen di China a adverti gobierno di Merca cu lo tuma “tur medida necesario” como respuesta na e reciente aprobacion di Departamento di Estado di un paquete di arma di 2 bion dollar pa Taiwan, cu a ser autorisa diabierna.

Ministerio di Asuntonan Exterior di Pekin a yama e benta un violacion di soberania y di interesnan di seguridad di China y a adverti cu e operacion aki “ta menasa paz y estabilidad den e estrecho di Taiwan.”

E paquete di armanan, cu ta inclui sistemanan avansa di misil superficie-aire y radarnan, a ser ricibi na Taipei como apoyo pa e defensa di e isla, cual gobierno a enfrente presionnan creciente y despliegue militar di parti di e regimen di Xi Jinping China.

Den un declaracion, vocero presidencial di Taiwan, Karen Kuo, a yama bonbini na e decision di Merca y a enfatisa cu



e sosten militar aki ta contribui na “fortalece e capacidad di defensa propio di Taiwan” y ta “fundamental pa mantene estabilidad regional.”

Tambe el a enfatisa cu e benta “ta reafirma e compromiso fuerte di Merca cu e seguridad di Taiwan,” y cu su administracion lo sigui “fortalece defensa propio pa proteha e ordo internacional basa riba

regla y garantiza paz, estabilidad y prosperidad den e Region Indo-Pacífico”.

Na Washington, Agencia di Cooperacion di Seguridad di Defensa (DSCA) a detaya cu Taiwan a pidi e compra di sistemanan avansa di radar AN/TPS-77 y AN/TPS-78, y tambe tres unidad di e Sistema Nacional di Misil di Tera Avansa -Aereo (NA-

SAMS), cu un total di 123 misil aire-aire. E tipo di sistema defensivo aki ta similar na esun suministra pa Merca na Ucrania, den su esfuerso pa defende su mes di e invasion Ruso.

Como reaccion riba e benta di arma aki, e regimen Chines a anuncia sancionnan contra nueve compania Mericano vincula cu e sector di defensa, entre nan Sierra Ne-

vada y Cubic, cu a participa den acuerdonan di arma cu Taiwan. Pekin ya a tuma medidas similar den pasado, tratando di presiona Merca pa stop su sosten militar na e isla. Sinembargo, e administracion Mericano ta mira e acuerdonan aki como un progreso di su propio interesnan di seguridad y sostene Taiwan den fortalece su defensa.

Pa e regimen Chines, e situacion na Taiwan ta representa un tema critico di “soberania” y China no a descarta e uso di forza pa controla e isla. Na fin di e guerra civil na 1949, forsanan nacionalista Chines a retira pa Taiwan, estableciendo un gobierno autonomo cu a sigui te dia di awe, mientras cu e regimen comunista a mantene su pretension teritorial riba e isla, cu e ta considera “un provincia rebelde.”

E asunto di Taiwan tabata un di e puntonan principal di friccion entre Beijing y Washington, un relacion cu ta bira tenso cada bes cu Merca fortalece e defensa di Taiwan.